



TUARASCÁIL BHLIANTÚIL 2009

An tÚdarás Um Shábháilteacht Ar Bhóithre
Road Safety Authority





RSA

TUARASCÁIL BHLIANTÚIL 2009

“Sa bhliain 2009 freisin, baineadh amach croísprioc na Straitéise um Shábháilteacht ar Bhóithre 2007-2012 de chuid an Rialtais maidir le gnóthú 252 bás ar a mhéad in aghaidh na bliana faoi dheireadh 2012, trí bliana sula rabhthas ag súil léi.”



Clár Ábhar

Ráiteas an Chathaoirligh	1
Ráiteas an Phríomhfheidhmeannaigh	3
Réamhrá	4
Tástáil agus Ceadúnú Tiománaithe	10
Sábháilteacht ar Bhóithre, Taighde agus Oideachas Tiománaithe	19
Caighdeáin Feithicle agus Forfheidhmiú	40
Seirbhísí Corparáideacha	48
Aguisín	56



Rangaítear Éire sa 7ú háit as 27 tír an AE. Ní ábhar ceiliúrtha é seo, áfach. Tá bearna mhór go fóill idir Éirinn agus na tíortha is sábháilte mar an tSualainn, an Ríocht Aontaithe agus an Ísiltír.

Gay Byrne Cathaoirleach an RSA



Ráiteas an Chathaoirligh

Fuair 241 duine bás in imbhuailtí bóithre in 2009. Sin saol 241 teaghlach iompaithe bunoscionn agus 241 tórramh nár cheart a bheith ann. In ainneoin na mbásanna uafásacha seo, is laghdú 14% é ar líon na ndaoine a cailleadh in 2008 – bliain inar éag 279 duine.



Má amharcaimid air níos leithne, is cosúil go bhfuil na rudaí cearta á ndéanamh againn maidir le sábháilteacht ar bhóithre na tíre seo. Maím é seo mar gur éirigh linn líon na mbásanna ar ár mbóithre a laghdú ceithre bliana as a chéile. Ba iad an dá bhliain atá i ndiaidh imeacht uainn an dá bhliain ba shábháilte ó cuireadh tús leis na taifid sa bhliain 1959.

Sa bhliain 2009 freisin, baineadh amach croísprioc na Straitéise um Shábháilteacht ar Bhóithre 2007-2012 de chuid an Rialtais maidir le gnóthú 252 bás ar a mhéad in aghaidh na bliana faoi dheireadh 2012, trí bliana sula rabhthas ag súil léi.

Is éacht ar leith é seo nuair a chuimhnítear ar ár bpointe tosaithe ceithre bliana gearra ó shin nuair a chailleamar beagnach 400 duine ar na bóithre. Maith sibh uile agus go raibh maith agaibh. Sibhse an difríocht.

Cuireann sé seo in iúl cad is féidir a bhaint amach nuair a bhímid uile freagrach as ár ngníomhartha agus nuair a dhéanaimid athruithe beaga ar ár n-iompraíocht ar na bóithre, agus nuair atá tacaíocht á fáil ar thaobh an bhóthair agus sna Cúirteanna mar thoradh ar fhorfheidhmiú láidir.

Meastar go bhfuil Éire ar cheann de thíortha an AE is fearr ó thaobh sábháilteachta ar bhóithre de. Rangaítear Éire sa 7ú háit as 27 tír an AE. Ní ábhar ceiliúrtha é seo, áfach. Tá bearna mhór go fóill idir Éire agus na tíortha is sábháilte mar an tSualainn, an Ríocht Aontaithe agus an Ísiltír.

Is eol dúinn cad atá le déanamh againn. Ní mór na bearta eile i Straitéis um Shábháilteacht ar Bhóithre an Rialtais a chur i bhfeidhm ina n-iomláine.

Caithfear an gréasán ceamaraí sábháilteachta a thabhairt isteach le dul i ngleic lenár gcultúr millteanach luais. Mura gcreideann sibh go bhfuil an-dúil againn sa luas, tugaigí cuairt ar otharlann ar bith sa tír seo agus fiafraigh de na

sainchomhairleoirí a bhíonn ag plé le leigheas éigeandála. D'inis cuid acu a chleachtaigh leigheas i dtíortha eile nach bhfaca siad a leithéid de charranna, de ghluaisrothair, de veaineanna agus de thrucaílí ag dul isteach i ndíoga, i mballaí, i bpáirceanna agus in úsáideoirí bóithre eile faoi an luas ach amháin in Éirinn siocair go mbímid ag tiomáint róghasta leis na cúinsí a láimhseáil.

In ainneoin dul chun cinn i réiteach na faidhbe maidir le tiomáint ar meisce, ní thig linn creidiúint go bhfuil an fhadhb seo curtha ina ceart cheana féin, mar níl sé. Caithfidh reachtaíocht a thabhairt isteach leis an teorainn um tiomáint ar meisce a ísliú agus le bearta a thabhairt isteach le dul i ngleic le tiomáint faoi thionchar drugaí.

Cé go bhfuil laghdú ag teacht ar líon na ndaoine óga atá ag fáil bháis ar ár mbóithre, is iadsan an grúpa is mó i mbaol fós. Sin an fáth nach mór dúinn athbhreithniú a dhéanamh ar an mbealach a gcuirimid oiliúint tiomána ar dhaoine óga.

Is ann do roinnt tiománaithe, ar líon an-bheag iad, a shíleann gur clós súgartha na bóithre poiblí. Ciontóirí atitimeacha atá iontu agus is tiománaithe an bháis iad. Is cuma leo faoina saol féin agus faoi shaol daoine eile. Is beag is féidir a dhéanamh faoina n-iompraíocht. Is é an t-aon réiteach ar an scéal a gcead tiomána ar na bóithre poiblí a bhaint díobh agus iallach a chur orthu é a thuilleamh in athuair.

Ní mór dúinn a bhfuil de dhíth ar an nGarda Síochána agus ar na Cúirteanna a thabhairt dóibh le gur féidir leo déileáil leis na tiománaithe seo.

Má leanann daoine agus gníomhaireachtaí orthu, faoi mar a rinne siad le ceithre bliana anuas, ag léiriú ionracais agus ceannaireachta i ndul i gcleic le sábháilteacht ar bhóithre, beimid in ann níos mó saolta a shábháil, an saol seo agatsa b'fhéidir.

Gay Byrne Cathaoirleach an RSA

Beidh daoine amuigh ansin den bharúil go bhfuil go leor déanta againn agus nach bhfuil call ar bith le tabhairt isteach beart nua i leith sábháilteachta ar bhóithre.

Faoi mar atá ráite agam cheana féin, agus is fiú go mór é a rá arís, is é an dúshlán atá romhainn anois an laghdú ar bhásanna ar na bóithre a choinneáil agus é a laghdú níos mó. Is féidir é a dhéanamh, faoi mar a rinneadh i dtíortha eile é.

Noel Brett Príomhoifigeach Feidhmiúcháin an RSA



Ráiteas an Phríomhfheidhmeannaigh

Is í seo an tríú tuarascáil den Údarás um Shábháilteacht ar Bhóithre.



Leagtar amach obair an RSA don bhliain 2009 i dteannta mionsonraí faoina maoirseacht ar an maoiniú agus ar na hacmhainní atá curtha ar fáil ag an Rialtas.

Bliain an-ghnóthach ba ea 2009 don RSA in uile phríomhrannóg na heagraíochta.

Maidir le Tástáil agus Ceadúnú Tiománaithe, choinníomar meánam náisiúnta feithimh 10 seachtaine le haghaidh tástáil tiomána, agus sáraíodh é seo i mórán láithreacha. Seoladh próiseas náisiúnta sainchomhairliúcháin faoinár gcuid pleannanna an bealach a gcuirtear oiliúint tiomána ar thiománaithe i mbun foghlama a athchóiriú.

Maidir leis an rannóg, Caighdeán Feithicle agus Forfheidhmiú, mhéadaíomar an méid forfheidhmithe, go háirithe i ndáil le huaireanta tiománaithe, go dtí na leibhéil b'airde riamh. Anuas air sin, thugamar faoi mhórfheachtas le hoideachas a chur ar oibreoirí agus ar thiománaithe faoina gcuid oibleagáidí dlí agus sábháilteachta ar na bóithre.

In ainneoin ciorruithe ar mhaoiniú, chuir an Stiúrthóireacht um Shábháilteacht ar Bhóithre, Taighde agus Oideachas Tiománaithe sraith feachtas mórmheán le deimhin a dhéanamh go raibh an pobal mór comhfhiósach ar shábháilteacht ar bhóithre gach uair a thug siad aghaidh ar an mbóthar. Sa mhullach air sin, sheolamar traidhfil cláir agus acmhainní nua oideachais i leith sábháilteachta ar bhóithre a chuirfear ar fáil i scoileanna, i gcoláistí agus sa phobal dá thoradh.

Ba é an éacht ba mhó in 2009 an laghdú ar líon na mbásanna ar na bóithre agus baint amach sprioc Sábháilteachta ar Bhóithre an Rialtais trí bliana sula rabhtas ag súil léi.

Beidh daoine amuigh ansin den bharúil go bhfuil go leor déanta againn agus nach bhfuil call ar bith le tabhairt isteach beart nua i leith sábháilteachta ar bhóithre.

Faoi mar atá ráite agam cheana féin, agus is fiú go mór é a rá arís, is é an dúshlán atá romhainn anois an laghdú ar bhásanna ar na bóithre a choinneáil agus é a laghdú níos mó. Is féidir é a dhéanamh, faoi mar a rinneadh i dtíortha eile é.

Chuiqe sin, coinneoidh an RSA ag gabháil leis na bearta eile atá le cur i bhfeidhm go fóill sa Straitéis um Shábháilteacht ar Bhóithre.

Tapaím an deis seo chun mo bhuíochas a chur in iúl don Chathaoirleach agus don Bhord as ucht a gcuid ceannaireachta agus comhairle i gcaitheamh na bliana. Táim an-bhuíoch go háirithe de thiomantas fhoireann an RSA a d'oibrigh le linn bliain dheacair agus nár díriodh riamh ónár dtasc ná ónár mana eagraíochtúil – 'oibriú lena chéile le saolta a shábháil'.

Ba mhaith liom mo bhuíochas a ghabháil le gach úsáideoir bóithre. B'iontach ar tharla ar ár mbóithre le deich mbliana anuas agus is sibhse is cúis leis an athrú mór – dearcadh agus iompraíocht a athrú chun leasa gach duine. Is mór agam an méid atá déanta agaibh uile.

Táimid go mór faoi chomaoin na meán i ngach cearn den tír. Ní bheimis ábalta ár gcuid teachtaireachtaí a shábháilann daoine a chur in iúl gan bhur dtacaíocht.

Ní foláir buíochas a ghabháil lenár gcuid comhpháirtithe fosta a chuidigh linn, nó a chuir lenár n-iomad feachtas in 2009 ó thaobh cúrsaí airgeadais de. Is mór againn bhur dtacaíocht, agus níos tábhachtaí ná sin, b'éifeachtach a bhí sí.

Agus mé i m'oiúigeach cuntasaíochta, glacaim freagracht as úsáid chuí €32.834 milliún de chistí an Stáitchiste atá curtha ar fáil don Údarás. Sonraítear cuntais airgeadais an RSA ag deireadh na tuarascála seo.

Noel Brett *Príomhoifigeach Feidhmiúcháin an RSA*

Réamhrá...

BUNÚ AN T-ÚDARÁIS

Comhlacht reachtúil íad an tÚdarás um Shábháilteacht ar Bhóithre (RSA) a cruthaíodh faoin Acht fán Údarás um Shábháilteacht ar Bhóithre 2006. Bunaíodh an RSA ar an 13 Meán Fómhair 2006 ag Ionstraim Reachtúil (I.R. Uimhir 477 de 2006).

ÁR MISEAN

Is é aidhm an RSA saolta a shábháil agus gortuithe a chosc trí líon agus déine na n-imbhuailtí ar an mbóthar a laghdú. Is é 'Oibriú lena Chéile le Saolta a Shábháil' atá mar sprioc glactha ag Bord an RSA.

FEIDHM

Leagtar na feidhmeanna a bhfuil an RSA freagrach astu amach san Acht fán Údarás um Shábháilteacht ar Bhóithre 2006.

Cuimsíonn siad tástáil agus oiliúint tiománaithe, caighdeáin feithiclí agus feidhmeanna áirithe forfheidhmithe, cur chun cinn na sábháilteachta ar bhóithre, oideachas tiománaithe agus taighde ar shábháilteacht ar bhóithre.

Tá na feidhmeanna seo leagtha ar na luchtanna stiúthóireachta seo a leanas:

- Tástáil agus Ceadúnú Tiománaithe
- Sábháilteacht ar Bhóithre, Taighde agus Oideachas Tiománaithe
- Forfheidhmiú agus Caighdeáin Feithiclí
- Faigheann gach stiúthóireacht tacaíocht ó Sheirbhísí Corparáideacha.



BAILL AN BHOIRD

Is iad na daoine seo a leanas baill an bhoird, ceaptha ag an Aire Iompair ag an am, an tUasal Martin Cullen TD, ar feadh tréimhse cúig bliana go dtí an 1 Meán Fómhair 2011.



An tUasal Gay Byrne
Cathaoirleach



Bean Áine Cornally



Bean Myra Garrett



An tUasal Paul Haran
Cathaoirleach an
Choiste Luach Saothair



An tUasal Thomas Kelly



An tUasal Aaron MacHale



Bean Ann McGuinness



An tUasal Tony McNamara
Cathaoirleach an
Choiste Iniúchóireachta
Inmheánaí



An tUasal John O'Gorman

AN FHOIREANN BHAINISTÍOCHTA FEIDHMIÚCHÁIN

Tá foireann fhaofa de chomhionann 309 post lánaimseartha ag an RSA, arna n-eagrú i gceithre aonad de sholáthar seirbhíse:

1. Caighdeáin Feithiclí agus Forfheidhmiú
2. Seirbhísí Corparáideacha
3. Sábháilteacht ar Bhóithre, Taighde agus Oideachas Tiománaithe
4. Tástáil agus Ceadúnú Tiománaithe



An tUasal Noel Brett
Príomhfheidhmeannach



Bean Denise Barry
Stiúrthóir, Forfheidhmiú
agus Caighdeáin Feithiclí



An tUasal Peter Dennehy
Stiúrthóir, Seirbhísí
Corparáideacha



An tUasal Declan Naughton
Stiúrthóir, Tástáil agus
Ceadúnú Tiománaithe



An tUasal Michael Rowland
Stiúrthóir, Sábháilteacht ar
Bhóithre, Taighde agus
Oideachas Tiománaithe

Cailleadh 241 duine in
imbhuailtí bóithre in 2009;
laghdú 38 nó 14% í
gcomparáid le 2008 nuair
a fuair 279 duine bás.

ATHBHREITHNIÚ AR SHÁBHÁILTEACHT AR BHÓITHRE 2009


Cailleadh 241 duine in imbhuailtí bóithre i 2009; laghdú 38 nó 14% í gcomparáid le 2008 nuair a fuair 279 duine bás.

Léiríonn sé seo laghdú 49% ar bhásanna bóithre i gcomparáid le 1997 nuair a maraíodh 472 duine ar bhóithre na hÉireann.


Ba í 2009 an bhliain ba shábháilte ar bhóithre na hÉireann ó cuireadh tús leis na taifid thiar sa bhliain 1959. Agus é curtha mar mheán míosúil, ba é líon na mbásanna in 2009 20 in aghaidh na míosa. In 2005, 33 a bhí ann, in 2006 30 a bhí ann, 28 sa bhliain 2007 agus ba é 23 an meán míosúil in 2008.

Is é bunchuspóir Straitéis an Rialtais um Shábháilteacht ar Bhóithre 2007-2012 básanna bóthair a laghdú go 60 ar a mhéad in aghaidh gach milliúin den daonra faoi dheireadh na bliana 2012. Is ionann é seo agus meán de 21 bás bóthair in aghaidh na míosa nó 252 bás in aghaidh na bliana.


Miondealú sealadach ar bhásanna úsáideoirí bóithre in 2009



Sábháilteacht ar Bhóithre na hÉireann i gComhthéacs - 1959-2009



Sábháilteacht ar Bhóithre na hÉireann i gComhthéacs - 1959-2009




SEASAMH NA hÉIREANN MAIDIR LE SÁBHÁILTEACHT AR BHÓITHRE I gCOMPARÁID LE TÍORTHA EILE

De réir figiúirí sealadacha arna n-eisiúint ag EU1, tá Éire ar cheann de thíortha an AE is fearr ó thaobh sábháilteachta ar bhóithre de. Rangaítear Éire sa 7ú háit as 27 tír an AE.

Bhí Éire ar cheann de thíortha na hEorpa ab fhearr a d'fheabhsaigh ó thaobh laghdú ar bhásanna bóthair de idir 2008 agus 2009.

Cé gur éirigh go maith le hÉirinn san AE in 2009, fós féin tá bearna mhór idir Éirinn agus na tíortha dea-chleachtais mar an tSualainn, an Ríocht Aontaithe agus an Ísiltír. Taifeadh 54 bás bóthair in aghaidh an mhilliúin den daonra in Éirinn in 2009 i gcomparáid leis an RA, an tSualainn agus an Ísiltír inar taifeadh níos lú ná 50 bás in aghaidh an mhilliúin den daonra.

BÁSANNA BÓTHAIR IN AGHAIDH GACH MILLIÚIN DE DHAONRAÍ



1. http://ec.europa.eu/transport/road_safety/consultations/2009_06_22_training_education_en.htm

STRAITÉIS UM SHÁBHÁILTEACHT AR BHÓITHRE 2007-2012

Tá freagracht ar an t-Údarás um Shábháilteacht ar Bhóithre, de réir an Achta fán Údarás um Shábháilteacht ar Bhóithre 2006, as cur le chéile agus as tuairisciú go foirmiúil ar chur i bhfeidhm an tríú Straitéis Rialtais um Shábháilteacht ar Bhóithre 2007-2012.

Rinne an Taoiseach, an tAire Iompair agus an tAire Dlí agus Cirt an Straitéis a sheoladh i mí Dheireadh Fómhair 2007.



Is é príomhaidhm na Straitéise um Shábháilteacht ar Bhóithre 2007-2012 imbhualtí, básanna agus gortuithe ar bhóithre na hÉireann a laghdú faoi 30%. Tá sé mar aidhm go mbeidh Éire ar aon dul leis na tíortha a meastar go bhfuil na bóithre is sábháilte acu ar domhan, tíortha mar an Ísiltír, an tSualainn agus an Ríocht Aontaithe.

Is iad na ceithre ghné seo a leanas a bheidh mar chreat beartais na Straitéise: Oideachas, Forfheidhmiú, Innealtóireacht agus Meastóireacht.

Forálann an Straitéis do 126 gníomhaíocht ar leith thar thréimhse sé bliana:

- saolta a shábháil agus tromghortuithe a chosc trí líon agus déine na n-imbhuailtí ar an mbóthar a laghdú;
- Éire a thabhairt ar aon chéim leis na tíortha dea-chleachtais um shábháilteacht ar bhóithre;
- líon na mbásanna a laghdú go 60 ar a mhéad in aghaidh gach milliúin den daonra faoi dheireadh na bliana 2012, mar aon le laghduithe anuas soiléirithe i ngach bliain den straitéis. Is ionann é seo agus meánlíon de 21 bás bóthair in aghaidh na míosa nó 252 bás in aghaidh na bliana.
- gortuithe a laghdú faoi 25% ar a laghad.

Tá siad seo a leanas ar na gníomhartha a baineadh amach i 2009:

- comhaontú an Rialtais laghdú ar an teorainn alcóil san fhuil ó 80mg anuas go 50mg a áireamh sa Bhille um Thrácht ar Bhóithre
- Ba í 2009 an bhliain ba shábháilte ar bhóithre na hÉireann ó cuireadh tús leis na taifid thiar sa bhliain 1959. Sa bhliain 2009 freisin, baineadh amach sprioc an Rialtais maidir le Sábháilteacht ar Bhóithre i dtaobh gnóthú 252 bás ar a mhéad in aghaidh na bliana faoi dheireadh 2012, trí bliana sula rabhthas ag súil léi. Ba é 20 meánráta míosúil na mbásanna in 2009 i gcomórtas le 23 in 2008 agus 28 sa bhliain 2007.

Painéal Comhairleach Beartais an Údaráis um Shábháilteacht ar Bhóithre

Bunaíodh Painéal Comhairleach, ar a bhfuil saineolaithe um shábháilteacht ar bhóithre, chun tacú le hobair an RSA i bhforbairt, i gcur i bhfeidhm agus i meastóireacht bearta comhtháite beartais a bhaineann leis an straitéis.

Déanfaidh an Grúpa Comhairleach an méid seo a leanas:

- cumarsáid agus sainchomhairliúchán idir na páirtithe leasmhara a éascú;
- rochtain ar eolas agus ar thaighde a sholáthar;
- cuidiú leis an t-Údarás um Shábháilteacht ar Bhóithre i bhforbairt, i gcur i bhfeidhm agus i meastóireacht a gcuid beartas.



Tástáil agus Ceadúnú Tiománaithe

Tá an Stiúrthóireacht um Thástáil agus Ceadúnú Tiománaithe freagrach as an gcóras um thástáil tiománaithe agus as bainistiú an chórais um cheadúnú tiománaithe. Is é cuspóir na Stiúrthóireachta cinntiú go ndéanann an bealach a bhfoghlaímíonn tiománaithe conas tiomáint agus na rialacha tiomána a leanann siad na bóithre níos sábháilte do chách.

Tá an Stiúrthóireacht freagrach as na tascanna áirithe seo:

- an tseirbhís um thástáil tiománaithe a sholáthar;
- teagasc tiomána a rialú;
- an córas um cheadúnú tiománaithe a mhaoirsiú;
- soláthar na Seirbhíse um Thástáil Teoirice Tiomána a mhaoirsiú;
- córas na bpointí pionóis a bhainistiú.



AN tSEIRBHÍS UM THÁSTÁIL TIOMÁNAITHE

Is é cuspóir na seirbhíse um thástáil tiománaithe tástáil tiomána a sholáthar atá cothrom agus éifeachtach de réir threoir an AE agus reachtaíocht náisiúnta. Cuirtear na tástálacha ar fáil ó 49 ionad ar fud na tíre. Tá an RSA tiomanta do mheánam náisiúnta feithimh 10 seachtaine a choinneáil do chustaiméirí agus baineadh é seo amach i gcaitheamh na bliana 2009. Ag deireadh na bliana 2009,

b'ionann an meánam náisiúnta feithimh agus 9 seachtaine agus as an 42,404 duine a bhí ag feitheamh ar thástáil, bhí coinne déanta le haghaidh 19,261 acu, ní raibh 7,178 duine ar fáil le haghaidh coinne thástála agus bhí 15,965 ag feitheamh ar dháta na coinne. Leagtar amach sa tábla thíos amanna feithimh amhail an 31 Nollaig 2009.

MEÁNAM FEITHIMH – GACH TÁSTÁIL TIOMÁNA AMHAIL AN 31 NOLLAIG 2009

Réigiún/Ionad Tástála

Meánam Feithimh de réir Seachtainí

AN tIARTHAR

Baile Átha Luain	10
Biorra	9
Caisleán an Bharraigh	10
An Clochán	9
Inis	9
Gaillimh	9
Baile Locha Riach	10
Ros Comáin	12
Tuaim	9

AN tIARTHUAISCEART

Béal an Átha	10
Bun Cranncha	13
Cora Droma Rúisc	11
An Cabhán	10
Dún na nGall	9
Leitir Ceanainn	12
An Longfort	12
Muineachán	10
Sligeach	12

AN tIARDHEISCEART

Corcaigh	11
Cill Airne	10
Cill Rois	11
Luimneach	10
Mala	10
An Caisleán Nua	7
Sionainn	8
An Sciobairín	9
Trá Lí	8

Réigiún/Ionad Tástála

Meánam Feithimh de réir Seachtainí

AN tOIRDHEISCEART

Ceatharlach	10
Cluain Meala	9
Dún Garbhán	10
Cill Chainnigh	9
An tAonach	11
Port Laoise	9
Durlas	10
Tiobraid Árann	9
Port Láirge	9
Loch Garman	10

DEISCEART LAIGHEAN

Dún Dealgan	13
Fionnghlas	9
An Muileann gCearr	10
An Uaimh	10
Ráth Eanaigh	10

DEISCEART LAIGHEAN

Baile an Teampaill	12
Guaire	11
An Nás	10
Ráth Garbh	11
Tamhlacht	13
Tulach Mhór	12
Cill Mhantáin	12

Meánam Náisiúnta

9

TORTHAÍ TÁSTÁLA TIOMÁNA DE RÉIR CATAGÓIR FEITHICLE 2009

CUR SÍOS AR AN gCATAGÓIR	CATAGÓIR	PAS	TEIP	IOMLÁN	% PAS
Gluaisrothar (níos mó ná 125cc)	A	2,636	1,169	3,805	69%
Gluaisrothar (51-125cc)	A1	134	213	347	39%
Gluaisrothar (gan a bheith níos mó ná 50cc agus/nó gan a bheith níos gasta ná 45km/h)	M	5	9	14	36%
Carr	B	50,589	60,105	110,694	46%
Trucail (G.V.W. níos troime ná 7,500kg)	C	3,776	2,198	5,974	63%
Trucail (G.V.W. níos troime ná 3,501-7,500 kg)	C1	181	97	278	65%
Eolas Praiteiciúil CPC – Trucailí	CPC	33	1	34	97%
Bus	D	617	300	917	67%
Mionbhus (9-16 shuíochán do phaisinéirí)	D1	336	165	501	67%
Eolas Praiteiciúil CPC – Bus		434	28	462	94%
Carr agus Leantóir	EB	221	125	346	64%
Trucail agus Leantóir	EC	1,748	679	2,427	72%
Trucail C1 agus Leantóir	EC1	7	4	11	63%
Bus agus Leantóir	ED	0	0	0	0%
Mionbhus agus Leantóir	ED1	3	0	3	100%
Feithicil Oibre/Tarracóir	W	6	4	10	60%
Iomlán	Iomlán	60,726	65,097	125,823	48%

TORTHAÍ TÁSTÁLA TIOMÁNA DE RÉIR INSCNE 2009

CATAGÓIR	FIR				MNÁ			
	Pas	Teip	Iomlán	% Pas	Pas	Teip	Iomlán	% Pas
IOMLÁN	35,214	34,796	70,010	50.3	25,512	30,301	55,813	45.7



TORTHAÍ TÁSTÁLA TIOMÁNA, 2009

CATAGÓIR AOISE	PAS	TEIP	IOMLÁN	% PAS
16 - 21 bliana	17,622	17,421	35,043	50%
22 - 25 bliana	13,340	12,132	25,472	52%
26 bliain nó níos sine	29,764	35,544	65,308	46%
Iomlán	60,726	65,097	125,823	48%




Approved Driving Instructor

TEAGASC TIOMÁNA A RIALÚ

Is tábhachtach go bhfoghlaímíonn tiománaithe nua conas tiomáint go sábháilte má táthar le leanúint ar aghaidh leis an laghdú ar bhásanna agus ar ghortuithe ar ár mbóithre. Is minic a fhanann na nósanna agus an iompraíocht a fhoghlaímimid i rith chéim na foghlama linn a fhad agus a bhímid ag tiomáint ar na bóithre. Is ríthábhachtach go mbíonn cór gairmiúil teagascóirí tiomána ann. Tá an RSA i mbun oibre le blianta beaga anuas leis an tionscal teagasc

tiomána a rialú. Ón 1 Bealtaine 2009 i leith, níor mhór go mbeadh na teagascóirí tiomána uile a chuireann oiliúint ar thiománaithe foghlama ar íocaíocht ina dTeagascóirí Tiomána Formheasta (ADI). Le stádas ADI a bhaint amach, ní mór do dhuine an próiseas scrúdaithe trí chéim a phasáil (nó cáiliú le haghaidh díolúine uaidh) a chlúdaíonn eolas ar shábháilteacht ar bhóithre, cumas tiomána agus cumas soláthair teagaisc. Tá sonraí faoi ADIanna agus faoina gcuid láithreacha le fáil ar www.rsa.ie. Tugtar faisnéis sa tábla thíos faoi ghníomhaíochtaí rialála ADI in 2009.



CEADÚNÚ TIOMÁNAITHE

Tá chóras coitianta ceadúnaithe i measc Bhallstáit an AE. Is éard is ciall leis seo gur bailí ceadúnas tiomána Éireannach i ngach Ballstát. Tá an RSA freagrach as maoirseacht a dhéanamh ar oibriúchán an chórais um cheadúnú tiománaithe, lena n-áirítear idirbheartaíocht maidir le cúrsaí ceadúnaithe tiománaithe ag leibhéal an AE. Is ar na húdaráis áitiúla atá an fhreagracht maidir le heisiúint ceadúnais foghlaimeora agus

ceadúnais tiomána tríd an líonra d'Oifigí Mótarchánach (MTOanna).

Is é ról an RSA treoirlínte a ullmhú agus a eisiúint chuig na MTOanna agus comhairle a chur ar an Aire Iompair maidir le ceisteanna ceadúnaithe de réir mar a iarrtar. Tugtar sonraí faoin líon ceadúnais tiomána atá ann faoi láthair i dTábla 7.

Tábla 7: Ceadúnais Reatha Tiomána amhail an 31 Nollaig 2009 de réir Cineáil i ngach Údarás Ceadúnúcháin

Údarás Ceadúnúcháin	Ceadúnais Foghlaimeora	Ceadúnais Bhliantúla	Ceadúnais Tríbhliantúla	Ceadúnais 10 mBliana	Líon Iomlán na gCeadúnas Tiomána
COMHAIRLÍ CONTAE					
CEATHARLACH	4,451	126	2,459	29,692	36,728
AN CABHÁN	4,554	94	3,266	33,492	41,406
AN CLÁR	6,928	246	5,620	60,371	73,165
*CORCAIGH	30,982	835	24,154	258,430	314,401
DÚN NA nGALL	8,364	278	7,223	80,482	96,347
*GAILLIMH	15,441	361	10,819	123,852	150,473
CIARRAÍ	8,606	232	7,637	75,543	92,018
CILL DARA	12,931	230	6,384	101,336	120,881
CILL CHAINNIGH	6,243	263	4,081	44,802	55,389
LAOIS	4,760	196	2,979	33,389	41,324
LIATROIM	1,777	54	1,701	15,981	19,513
LUIMNEACH	7,964	225	6,301	71,428	85,918
AN LONGFORT	2,601	47	1,833	18,017	22,498
LÚ	7,651	225	4,660	53,764	66,300
MAIGH EO	7,609	227	6,298	66,176	80,310
AN MHÍ	10,310	246	6,419	85,170	102,145
MUINEACHÁN	3,533	98	2,912	30,877	37,420
UÍBH FHAILÍ	4,809	125	3,172	35,409	43,515
ROS COMÁIN	3,753	121	3,556	31,897	39,327
SLIGEACH	3,884	139	3,398	32,549	39,970
TIOBRAID ÁR.THUAIDH	4,440	154	3,708	35,781	44,083
TIOBRAID ÁR.THEAS	6,303	203	4,467	43,446	54,419
PORT LÁIRGE	3,673	118	3,251	31,896	38,938
AN IARMHÍ	5,533	173	3,695	40,450	49,851
LOCH GARMAN	9,405	757	6,522	70,188	86,872
CILL MHANTÁIN	8,768	337	5,761	66,779	81,645
COMHAIRLÍ CATHRACH					
*Baile Átha Cliath	83,178	1,962	51,801	538,840	675,781
Luimneach	3,910	86	2,484	22,594	29,074
Port Láirge	3,754	68	2,098	22,776	28,696
IOMLÁN	286,115	8,226	198,659	2,155,407	2,648,407
Athrú ó thoradh an 31 Nollaig 2008	-33,712	480	9,065	40,438	16,271

*Cathair agus Contae



Athchóiriú an Chórais um Cheadúnú Tiománaithe

I mí na Nollag 2008, de bhun freagairtí ó pháirtithe leasmhara éagsúla agus i dteannta taighde a rinneadh ar éifeachtacht chórais GDL i dtíortha eile, cuireadh traidhfil moltaí faoi bhráid an Aire Iompair lena mbreithniú. Díriodh ar thiománaithe foghlama agus ar conas is féidir linn tosca tiomána níos deacra a chur rompu gan a gcuid sábháilteachta a chur i gcontúirt. De bhun freagairtí ó pháirtithe leasmhara éagsúla agus i dteannta taighde a rinneadh ar éifeachtacht chórais GDL i dtíortha eile, cuireadh traidhfil moltaí faoi bhráid an Aire Iompair lena mbreithniú.

Pointí Pionóis

GET THE POINT! NOT THE POINTS!

Tugadh pointí pionóis isteach in Éirinn sa bhliain 2002. Bhí 46 cion i gcóras na bpointí pionóis ag deireadh na bliana 2009. Leathnaíodh raon na gcionta pointí pionóis an 1 Bealtaine 2009, nuair a cuireadh cúig chion bhreise leo. Rinneadh cion pointe pionóis den chion i leith guthán póca a bheith i do láimh agus tú ag tiomáint i Meán Fómhair 2006. Ón 1 Bealtaine 2009 ar aghaidh, rinneadh cionta pointe pionóis de chúig chion bhreise tráchta a bhaineann leis an NCT agus le tiomáint feithiclí atá faoi lochtanna contúirteacha. Seo a leanas na cionta breise:

1. Feithicil (carr) a úsáid gan deimhniú an NCT;
2. Feithicil a thiomáint sula gcuirtear locht contúirteach i gceart;
3. Feithicil atá faoi lochtanna contúirteacha a thiomáint;
4. Feithicil a úsáid gan deimhniú ar ródacmhainneacht;
5. Tuairteálacha in aghaidh droichid, etc.

PDFanna de dhá thábla (Táblaí 8 agus 9) faoi phointí pionóis faoi iamh lena gcur isteach.

Tástáil Teoirice Tiomána

Ní foláir do dhuine atá ag iarraidh ceadúnas foghlaimeora i gcatagóir ceadúnais a fháil den chéad uair pas a fháil i dtástáil teoirice ar dtús. I measc na n-ábhar a scrúdaítear tá siad seo a leanas: eolas ar shábháilteacht ar bhóithre; gnéithe teicniúla d'fheithiclí; tiomáint timpeallachta; agus na gnéithe dlíthiúla a bhaineann le tiomáint. Tá tástálacha ar leith ann faoi choinne busanna, trucaíl, gluaisrothar, carranna agus feithiclí oibre. I mí Mheán Fómhair 2008, tugadh tástáil teoirice isteach faoi choinne busanna agus tugadh tástáil dá samhail isteach faoi choinne trucaíl i mí Mheán Fómhair 2009 mar chuid den Deimhniú ar Inniúlacht Ghairmiúil (CPC) le haghaidh tiománaithe gairmiúla bus agus trucaile.



LÍON NA bPOINTÍ PIONÓIS (FAOI LÁTHAIR) ARNA nEISIÚINT CHUIG TIOMÁNAITHE AMHAIL AN 31 NOLLAIG 2009 – (FIGIÚR CARNACH ÓN RÉAMHRÁ)

**CONTAE	1 PP	2 PP	3 PP	4 PP	5 PP	6 PP	7 PP	8 PP	9 PP	10 PP	11 PP	12 PP*	TOTAL
CEATHARLACH	143	4,824	56	1,289	30	335	7	94	5	30	2	5	6,820
AN CABHÁN	123	4,644	71	930	25	243	8	41	1	9	1		6,096
AN CLÁR	180	9,107	87	1,920	53	460	12	103	4	23	2	6	11,957
CORCAIGH	2,022	34,456	807	7,416	480	1,871	158	548	70	145	33	26	48,032
DÚN NA nGALL	261	8,850	111	1,663	63	378	16	99	5	27	4		11,477
GAILLIMH	359	14,832	122	2,780	82	638	25	168	5	33	2	2	19,048
CIARRAÍ	153	9,100	65	1,734	41	401	16	127	5	28	1	5	11,676
CILL DARACH	502	19,537	288	5,140	175	1,446	56	443	27	100	7	6	27,727
CILL CHAINNIGH	274	8,079	111	1,936	48	541	17	159	10	45	2	8	11,230
LAOIS	108	6,355	55	1,689	33	480	16	129	9	34	1	7	8,916
LIATROIM	41	2,200	27	471	13	93	3	18	2				2,868
COMHAIRLE CONTAE LUIMNIGH	435	9,784	151	1,960	63	404	21	126	6	27	5	1	12,983
AN LONGFORT	48	2,875	16	623	17	130	4	38	4	9			3,764
LÚ	244	8,225	110	1,672	47	354	23	69	6	23	1	1	10,775
MAIGH EO	126	7,626	58	1,380	38	299	14	71	3	28	2	1	9,646
AN MHÍ	563	15,371	313	3,605	148	905	46	227	20	66	6	4	21,274
MUINEACHÁN	88	3,698	47	673	29	139	6	25	6				4,711
UÍBH FHAILÍ	97	6,136	38	1,478	31	370	8	92	6	28	2		8,286
ROS COMÁIN	99	4,661	36	911	14	234	5	44	3	9	1	1	6,018
SLIGEACH	147	5,206	63	1,164	34	277	22	69	6	9	1	5	7,003
TIOBRAID ÁRANN THUADH	87	5,609	46	1,262	40	317	6	79	18	3			7,467
TIOBRAID ÁRANN THEAS	163	6,358	50	1,351	31	367	22	73	5	21	4	3	8,448
COMHAIRLE CONTAE PHORT LÁIRGE	99	5,109	50	1,092	22	324	7	87	4	16	1	1	6,812
AN IARMHÍ	146	5,688	73	1,120	30	268	12	81	6	24	1	6	7,455
LOCH GARMAN	272	10,872	134	2,722	96	757	39	240	12	82	4	15	15,245
CILL MHANTÁIN	495	10,935	200	2,424	102	623	34	160	11	57	1	10	15,052
COMHAIRLE CATHRACH BHAILE ÁTHA CLATH	8,064	85,958	3,377	19,618	1,509	4,797	489	1,307	204	316	49	46	125,734
COMHAIRLE CATHRACH LUIMNIGH	223	2,961	81	599	32	154	10	44	10	7			4,121
COMHAIRLE CATHRACH PHORT LÁIRGE	59	3,830	23	945	21	232	8	64	1	24	1	5	5,213

Gan Uimhir Thiomána AR BITH	4,272	161,932	1,005	37,774	19,333	16	3	1	1				224,337
Olliomlán	19,893	484,818	7,671	109,341	22,680	17,853	1,113	4,826	449	1,246	128	173	670,191

* Cur den bhóthar ar feadh sé mhí atá mar thoradh ar fháil 12 phointe pionóis.

** Tagairt don chontae inar eisíodh an ceadúnas tiomána í‘Contae’.

MIONDEALÚ AR THIOMÁNAITHE DE REIR CINEÁL CEADÚNAIS	CEADÚNAS IOMLÁN	CEADÚNAS FOGHLAIMEORA	CEADÚNAS AR BITH
	417,837	28,017	224,337

*ANAILÍS AR FHÓGRAÍ FAOI PHOINTÍ PIONÓIS ARNA nEISIÚINT DE RÉIR CINEÁL CIONA ANUAS GO DTÍ AN 31 NOLLAIG 2009

[illegible]

***Figiúr carmach ón dáta a tugadh isteach Córas na bPointí Pionóis isteach**

TÁSTÁIL TEORICE TIOMÁNA

Ní foláir do dhuine atá ag iarraidh ceadúnas foghlaimora i gcatagóir ceadúnais a fháil den chéad uair, pas a fháil i dtástáil teorice ar dtús. I measc na n-ábhar a scrúdaítear tá siad seo a leanas: eolas ar shábháilteacht ar bhóithre; gnéithe teicniúla d'fheithiclí; tiomáint timpeallachta; agus na gnéithe dlíthiúla a bhaineann le tiomáint. Tá tástálacha ar leith ann do bhusanna, do thrucaillí, do ghluaisrothair, do charranna agus d'fheithiclí oibre. I mí Mheán Fómhair 2008, tugadh tástáil teorice ar leith isteach faoi choinne busanna mar chuid den Deimhniú ar Inniúlacht Ghairmiúil (CPC) le haghaidh tiománaithe gairmiúla bus. Tugadh tástáil dá samhail isteach faoi choinne tiománaithe gairmiúla trucaile i mí Mheán Fómhair 2009.

GNÍOMHAÍOCHTAÍ NA TÁSTÁLA TEORICE TIOMÁNA IN 2009



Cód an Cheadúnais: AM (Gluaisrothair)	Iomlán
Líon na dTástálacha a Sceidealadh	9,483
Líon na dTástálacha a Rinneadh	8,521
Líon na dTástálacha a Pasáladh	5,835
Líon na dTástálacha a Teipeadh	2,686
Líon na nDaoine nár Tháinig don Tástáil	961
Líon na dTástálacha a Rinneadh atá Fós ag Feitheamh le Torthaí	1
Céatadán na dTástálacha a Pasáladh	68.48%



Cód an Cheadúnais: BW (Carranna agus Feithiclí Oibre)	Iomlán
Líon na dTástálacha a Sceidealadh	122,345
Líon na dTástálacha a Rinneadh	111,669
Líon na dTástálacha a Pasáladh	76,724
Líon na dTástálacha a Teipeadh	34,945
Líon na nDaoine nár Tháinig don Tástáil	10,662
Líon na dTástálacha a Rinneadh atá Fós ag Feitheamh le Torthaí	18
Céatadán na dTástálacha a Pasáladh	68.70%



Cód an Cheadúnais: C (Trucaillí)	Iomlán
Líon na dTástálacha a Sceidealadh	10,357
Líon na dTástálacha a Rinneadh	9,265
Líon na dTástálacha a Pasáladh	7,158
Líon na dTástálacha a Teipeadh	2,107
Líon na nDaoine nár Tháinig don Tástáil	1,090
Líon na dTástálacha a Rinneadh atá Fós ag Feitheamh le Torthaí	2
Céatadán na dTástálacha a Pasáladh	77.26%



Cód an Cheadúnais: D (Busanna)	Iomlán
Líon na dTástálacha a Sceidealadh	3,809
Líon na dTástálacha a Rinneadh	3,434
Líon na dTástálacha a Pasáladh	2,628
Líon na dTástálacha a Teipeadh	806
Líon na nDaoine nár Tháinig don Tástáil	373
Líon na dTástálacha a Rinneadh atá Fós ag Feitheamh le Torthaí	2
Céatadán na dTástálacha a Pasáladh	76.53%

Ionad Trialacha Tiomána Driving Test Centre Entrance



Sábháilteacht ar Bhóithre, Taighde agus Oideachas Tiománaithe

Comhcheanglaítear sa Stiúrthóireacht um Shábháilteacht ar Bhóithre, Taighde agus Oideachas Tiománaithe na ról thábhachtacha maidir le feasacht, oideachas agus taighde a spreagadh le heolas agus leis na scileanna cuí a chur ar úsáideoirí bóithre agus iad ag fás aníos. Cuidíonn agus oibríonn an Stiúrthóireacht leis na páirtithe leasmhara uile atá cláraithe don Straitéis um Shábháilteacht ar Bhóithre 2007-2012 le deimhin a dhéanamh gur féidir na gníomhartha a shonraítear sa straitéis a bhaint amach.




Fógraíocht

Ar na príomhfheachtais feasachta a reáchtáladh in 2009 bhí an feachtas teilifíse in aghaidh na tiomána róthapa ‘Mess’ agus an feachtas teilifíse ‘Crashed Lives’ ina bhfuil cuntais fhíora ar thuairteanna bóthair arna n-insint ag íospartaigh nó ag a gcuid teaghlach.

IN AGHAIDH NA TIOMÁNA RÓTHAPA: Fógrán Teilifíse ‘Mess’ agus Fógrán Pictiúrlainne ‘Crash’

Na fógráin teilifíse agus phictiúrlainne in aghaidh na tiomána a taispeánadh i gcaitheamh na bliana. Tá an RSA buíoch de Hibernian Aviva as a dtacaíocht leantach do na fógráin seo.



THE FASTER THE SPEED THE BIGGER THE MESS



FEACHTAS SÁBHÁILTEACHTA GLUAISROTHAR



An Fógrán Teilifíse ‘Underneath’


In 2009, cheannaigh an RSA na cearta d’fhonn an fógrán teilifíse ‘Underneath’ faoi shábháilteacht gluaisrothar a chraoladh ón Roinn Comhshaoil i dTuaisceart Éireann.


Úsáideoirí bóithre i mbailt iad gluaisrothaithe agus tugann sonraí faoi imbhualtí bóthair le fios go mbíonn tiománaithe eile ciontach as leath na mbásanna agus na ngortuithe gluaisrothair. Tá sé mar aidhm ag an bhfógrán ‘Underneath’ feasacht a spreagadh ar an ngá go mbeadh gach tiománaí ar an airdeall i gcónaí ar ghluaisrothaithe agus iad ag tiomáint. Craoladh an fógrán ‘Underneath’ ar an teilifís i mí Iúil 2009.

CRASHED LIVES

Craoladh an tsraith seo d’fhógráin teilifíse a bhí 50 soicind ar fad i mí na Shamhna agus i mí na Nollag 2009. Sonraítear trí thragóid fhíora bhóthair iontu – ‘James’, ‘Sarah’ agus ‘Conor’ – arna n-insint ag teaghlaigh na marbh. Labhraíonn duine de theaghlach faoi chailliúint duine gar dó/dí in imbhualadh bóithre agus faoin tslí ar athraíodh a saol go deo dá dheasca. Sa mhullach air sin, tá dhá chuntas finne súl – ‘Breaking the News’ agus ‘Seatbelts’ – ag an Dr Gerry Lane, Sainchomhairleoir sa Leigheas Éigeandála in Otharlann Ginearálta Leitir Ceanainn.

Dhiúl an RSA na cearta craolta maidir leis an dá fhógrán teilifíse sainchomhairleora ‘Crashed Lives’ leis an Roinn Comhshaoil i dTuaisceart Éireann in 2009.





RIALACHA AN BHÓTHAIR: FÓGRÁN TEILIFÍSE ‘ROUNDAABOUT’ AN FEACHTAS ‘BETTER SAFER DRIVER’

EXPECT THE UNEXPECTED



Tá sé de chuspóir ag feachtas an RSA ‘Better Safer Driver’ lena mbaineann fógráin teilifíse feasacht a spreagadh ar thraidhfil gluaiseachtaí tábhachtacha a bhfuil baint acu le himbhualtí bóithre marfacha nó le himbhualtí bóithre tromchúiseacha go minic.

Cuimsíonn an fechtas sé fhógrán teilifíse 30 soicind a bhfuil mar aidhm acu scileanna tiománaithe a fheabhsú agus iad ag tabhairt faoi ghluaiseachtaí contúirteacha ar ár mbóithre. Díríonn siad chomh maith ar na bóithre ar a mbíonn na himbhualtí is coitianta – bóithre tuaithe, bóithre náisiúnta agus bóithre den dara grád.

1. Scoitheadh Sábháilte
2. Tiomáint ar Chora
3. Casadh ar Dheis
4. Coinneáil Siar ón bhFeithicil Romhat
5. Tiomáint ar Mhótarbhealaí
6. Tiomáint ar Thimpeallán

Craoladh an fógrán teilifíse ‘Roundabout’ den chéad uair in 2009. Áirítear leagan ar líne fosta de ‘Roundabouts’ a mhaireann 70 soicind agus is féidir amharc air seo agus ar fhógráin eile sa tsraith ar www.rulesoftheroad.ie.

FEACHTAIS RAIDIÓ AN FEACHTAS ‘HE DRIVES – SHE DIES’

Ba i 2009 an dara bliain a reáchtáil an RSA a bhfeachtas ‘He Drives – She Dies’.

Dírítear an fógrán 30 soicind ar mhná óga atá ina bpaisinéirí i gcarranna atá á dtiomáint go contúirteach ag fir óga. Craoladh é ar stáisiúin áitiúla ‘na n-óg’ i mí Iúil 2009.

Is ábhar bróin é go dtugann taighde le fios go bhfuair 67% de na paisinéirí mná a maraíodh idir 1998 agus 2007 bás i dtuairteanna nuair a bhí fear i mbun tiomána. Ar an drochuair, tugann an fhianaise le fios fosta gurb iad tiománaithe fir is cúis le bunús uile na mbásanna tiománaí sa tír seo, agus gurb iad is ciontaí i ndáil le tromlach mór na mbásanna de thairbhe tiomáint róthapa, tiomána ar meisce agus iompraíocht chontúirteach eile.



Bean Aoife Kelly, Rós Thrá Lí agus Noel Brett, CEO an RSA i gcuideachta ionadaithe ón nGarda Síochána agus ó Sheirbhísí Otharchairr Bhriogáid Dáiteáin Bhaile Átha Cliath ag seoladh an fheachtais ‘He Drives – She Dies’.

Thacaigh Rós Thrá Lí um an dtaca sin, Aoife Kelly, leis an teachtaireacht seo. Tá taithí aici féin ar na hiarmhairtí uafásacha a bhaineann le tráma bóthair. Teiripeoir Saothair is ea Aoife san Ospidéal Náisiúnta Athshlánúcháin i nDún Laoghaire a phléann le hothair a bhfuil gortuithe tromchúiseacha dromlaigh agus inchinne orthu, de thoradh tuairteanna cairr den chuid is mó.

Feachtais eile raidió i dtaobh sábháilteachta ar bhóithre a craoladh in 2009:

1. An fógrán raidió ‘Mobile Phones & Driving’ a craoladh i roiseanna coicíse i rith mhí na Bealtaine agus mhí Mheán Fómhair 2009;
2. Le ‘Seachtain um Shábháilteacht ar Bhóithre’ a chur chun cinn, reáchtáladh feachtas fógraíochta raidió ar stáisiúin áitiúla agus náisiúnta raidió ag druidim leis an tSeachtain um Shábháilteacht ar Bhóithre agus lena linn, idir an 12 Deireadh Fómhair agus an 18 Deireadh Fómhair 2009;
3. D’ullmhaigh agus chraol an RSA feachtas fógraíochta raidió 30 soicind ar stáisiúin áitiúla agus náisiúnta raidió i mí na Shamhna 2009 le húsáid as soilse reatha lae i measc tiománaithe a chur chun cinn agus a spreagadh;
4. Craoladh feachtas fógraíochta raidió 30 soicind ar stáisiúin áitiúla agus náisiúnta raidió i mí na Nollag 2009 le ceannach earraí sábháilteachta ar bhóithre mar bhronntanais na Nollag a chur chun cinn agus a spreagadh.



DRINKDRIVING.IE

Sheol an RSA suíomh nua gréasáin in 2009 a bhfuil mar aidhm aige deireadh a chur leis na miotais a bhaineann le tiomáint ar meisce. Socraíodh an suíomh le faisnéis fhíorasach a chur ar an bpobal mór faoi thionchar na tiomána ar meisce agus faoin mbealach a chuireann sí le básanna bóthair agus le gortuithe tromchúiseacha.

FEACHTAS ÉIREANNACH I dTAOBH CRIOSANNA SÁBHÁLA AINMNITHE AG AN EORAIP MAR AN MÓRBHUAITEOIR MARGAÍOCHTA SÓISIALTA

Sa bhliain 2009, roghnaigh moltóirí ó Pharlaimint na hEorpa feachtas na hÉireann i dtaobh Criosanna Sábhála mar an Mórbhuaiteoir Margaíochta Sóisialta sa Bhruiséil as 67 iontráil ó 21 tír.

Bhí an comhfheachtas trasteorann, de chuid an Údaráis um Shábháilteacht ar Bhóithre agus an Roinn Comhshaoil, Tuisceart Éireann, faoi urraíocht AXA Insurance, ar bhuaiteoir amháin as ceithre cinn ag Dámhachtainí CARE na hEorpa, arna mbronnadh i bParlaimint na hEorpa an 16 Aibreán 2009.

Tá iontráil na hÉireann, Tionchar Níos Fadtéarmaí na Margaíochta i dTaobh Criosanna Sábhála 2001-2008 ('The Longer Term Effects of Seatbelts Advertising 2001-2008'), bunaithe ar fhianaise ar chás-staidéar a chruthaíonn gur athraigh feachtas na hÉireann iompraíocht, gur shábháil sé beathaí agus go raibh sé ina ábhar le haisíoc ollmhór geilleagrach €492 milliún. Bhí sé seo ina bhonn le haisíoc fógraíochta €15.75 faoin choinne gach euro a infheistíodh san fheachtas.

NEVER **EVER** DRINK & DRIVE

IRELAND: Drink Driving Facts

00:00 04:26

Drink Driving Ireland

NEVER EVER DRINK AND DRIVE

Welcome to the Drink Driving Ireland Website.

You can learn more about Drink Driving in Ireland by exploring this site:

1. Drink Driving - Fast Facts
2. Drink Driving - The Myths and the Facts
3. How big a factor is alcohol in road crashes in Ireland and the EU?
4. Blood Alcohol Concentration (BAC) and some facts on alcohol
5. Public Attitudes, Current Limits, Penalties, Recommended Change and Proposed Penalties
6. What's the situation in other EU countries?

On this site, you may download the RSA Document: Ireland - Drink Driving Facts (5mb PDF). This document requires **Adobe Acrobat Reader** for viewing.

Drink driving is a male problem.

Alcohol is estimated to be a contributory factor in 1 in 3 fatal

Explore This Site

- Drink Driving - Homepage
- Drink Driving Facts
- Drunk Driving: Myths & Facts
 - Drunk Driving: More Myths & Facts
- Alcohol Driving & Road Crashes
 - Drink Driving in Ireland
 - Drink Driving in Ireland - Part 2
- Blood Alcohol Concentration (BAC)
 - Impaired Driving
 - Some Facts On Alcohol
- Attitudes towards Drink Driving
- Drink Driving Limits & Recommendations
- Drink Driving Penalties
- Drinking and Driving in the EU
- Drink Driving Research: Bibliography
 - Drink Driving Resources



ECT THE UNEXPECTED



Oideachas

Is é beartas an RSA oideachas a sholáthar d'úsáideoirí bóithre faoi chur chuige comhtháite a leanann ar aghaidh go dtí an córas tríú leibhéal sa chóras oideachais agus i bpobail áitiúla. Cinntíonn oideachas um shábháilteacht ar bhóithre go bhforbraíonn gach úsáideoir bóithre dearchtaí agus iompraíochtaí cuí sábháilteachta. In 2009, réitigh agus dháil an RSA na cláir oideachais seo a leanas ar scoileanna:

'Bí Sábháilte'



Is paca acmhainní gníomhbhunaithe é **'Bí Sábháilte'** faoi shábháilteacht ar bhóithre, faoi shábháilteacht ó dhóiteáin agus faoi shábháilteacht san uisce a réitíodh i gcomhair bunscoileanna. Tá ábhair ann a dhírítear ar pháistí ó rang na naíonán aníos go rang a sé. Réitíodh sé d'aon ghnó mar chuid den churaclam OSPS (Oideachas Sóisialta, Pearsanta agus Sláinte) agus baineann sé leis an snáithe

OSPS, 'Mé féin', a phléann le Sábháilteacht agus Cosaint, Sábháilteacht Phearsanta, Ceisteanna Sábháilteachta agus a dhéanamh Cinntí. Réitíodh **'Bí Sábháilte'** i gcomhar le múinteoirí cleachtacha. Tá na pleananna ceachta le fáil láithreach ag múinteoirí agus ag páistí araon. Cuirtear tús le gach ábhar le faisnéis oiriúnach don aois agus déantar plé agus forbairt ar an bhfaisnéis ansin trí phlé ranga, trí ghníomhaíochtaí agus trí bhileoga oibre.


'Seatbelt Sheriff' agus 'Hi-Glo Silver'

Tá 'Seatbelt Sheriff' ina bhealach spráil le páistí i rang a haon a spreagadh chun páirt a ghlacadh i sábháil beathaí. Déantar 'Seatbelt Sheriffs' (sirriamái ar chriosanna sábhála) de pháistí trí ghealltanais a thabhairt go gcaithfidh siad a gcrios sábhála i gcónaí agus cinnte a dhéanamh go bhfuil crios sábhála ar gach duine eile sa charr chomh maith. Tugtar suaiteantas sirriam dóibh i dteannta teastais ina léirítear go bhfuil údarás acu gach paisinéir agus tiománaí a threorú a gcrios sábhála a chur orthu ('Buckle Up') i bhfeithicil ar bith ina bhfuil siad.

Is é 'Hi-Glo Silver' capall an Seatbelt Sheriff agus is í infheictheacht a theachtairacht. Spreagann sé páistí cur i gcuimhne dá dtuismitheoirí gur cheart dóibh cótaí nó criosanna ard-infheictheachta a chaitheamh agus iad amuigh ag siúl. Cuireadh Hi-Glo Silver chuig páistí i rang a dó a fuair teachtaireacht an Seatbelt Sheriff an bhliain roimhe. A bhuíochas leis an ngné seo den fheachtas, chuir an RSA 60,000 banda muinchille amach do pháistí scoile saor in aisce.

Forbraíodh suíomh gréasáin do scoileanna agus do mhúinteoirí: www.seatbeltsheriff.ie







Feachtas um Fhilleadh ar an Scoil

Sa bhliain 2009, scaip an RSA 3,282 'Pacáí Sábháilteachta ar Bhóithre um Fhilleadh ar an Scoil' ar bhunscoileanna ina raibh an méid seo a leanas:

- Amhrán an Chóid Sábhála ar dhlúthdhiosca;
- Póstaer lannach A2 de liricí amhrán an Chóid Sábhála;
- Cóipeanna dár mbileog 'Dul ar Scoil';
- 'Bí Sábháilte', an 2ú hEagrán;
- Nuachtlitir scoile i leith sábháilteachta ar bhóithre 'Schoolnews';
- Bandaí ard-infheictheachta muinchille do gach páiste scoile atá ag freastal ar an scoil den chéad uair.



An tUasal Gay Byrne, Cathaoirleach an RSA agus Brendan Grace ag seoladh 'Amhrán an Chóid Sábhála' agus cuidiú á fháil ó dhaltai Scoil Náisiúnta Derrywash, Caisleán an Bharraigh, Co. Mhaigh Eo i bhFaiche Stiabhna.

Oiliúint Inniúlachta Rothaíochta

Cuireadh oiliúint inniúlachta rothaíochta ar 6,156 dalta i scoileanna sa bhliain 2009. Is é aidhm na hoiliúna seo traenáil fhoirmiúil a chur ar pháistí ar conas rothaíocht go sábháilte agus le dearthaí dearfacha freagracha a spreagadh i dtaobh sábháilteacht phearsanta. Íocann an RSA fóirdheontas €5 an dalta le húdaráis áitiúla le cúnamh a thabhairt le costais na ndaltaí bunscoile a ghlacann páirt sa scéim.

Streetwise

Acmhainn idirghníomhach ghníomhbhunaithe oideachais i leith sábháilteachta ar bhóithre í 'Streetwise' do Chlár an Teastais Shóisearaigh (daltaí idir 12 agus 15 bliana d'aois) faoi churaclam an ábhair CSPE (Oideachas Saoránach Sóisialta Polaitiúil). Is féidir an modúl seo a reáchtáil thar 12 sheachtain.

Clúdaítear na ceachtanna seo a leanas:

Ceacht 1 Coisithe

Ceacht 2 Rothaithe

Ceacht 3 Gluaisrothaithe

Ceacht 4 Criosanna sábhála

Ceacht 5 Luas agus tiomáint róthapa

Ceacht 6 Brath guaiseacha

Ceacht 7 Tuirse tiománaithe

Ceacht 8 Tiomáint ar meisce

Ceacht 9 Innealtóireacht sábháilteachta ar bhóithre

Caithfidh gach dalta tionscadal gnímh a chomhlíonadh mar chuid dá scrúdú Teastais Shóisearaigh. Tá moltaí curtha ar fáil againn do na tionscadail ghníomhbhunaithe seo i ndáil le gach ceann de na hábhair thuas.



'Your road to safety' – clár idirbhliana

your road to safety
transition year road safety programme

Chomhoibriú an RSA leis an Roinn Oideachais agus Eolaíochta agus leis an gComhairle Náisiúnta Curaclaim agus Measúnachta d'fhone clár i leith sábháilteachta ar bhóithre a chur le chéile do scoileanna mar chuid den Idirbhliain (TY). Spreagann an clár seo foghlaim ghníomhach agus forbairt na feasachta, an eolais, na scileanna agus na luachanna a bheidh ina mbunús le forbairt úsáideoirí sábháilte bóithre san am i láthair agus amach anseo.

Tá an clár ar fáil i bhformáidí 20 uair an chloig agus 45 uair an chloig agus cuireann sé leis an cineálacha cur chuige i leith foghlaim ghníomhach do Chlár na hIdirbhliana. Tá ionchur ó ghníomhaireachtaí eile sa dá chlár, amhail an tseirbhís otharcharranna, an tseirbhís dóiteáin agus an Garda Síochána chomh maith le haoichainteoirí, turais scoile, tionscadail agus cás-staidéir.

Tá tacaíocht ar fáil ó acmhainní digiteacha lena n-áirítear rochtain ar shuíomhanna gréasáin idirnáisiúnta um shaincheisteanna sábháilteachta ar bhóithre ó shuíomh gréasáin an Údaráis um Shábháilteacht ar Bhóithre www.rsa.ie. Soláthraíonn an clár do réamhrá ar shábháilteacht ar bhóithre do choisithe, rothaithe, gluaisrothaithe agus do thiománaithe, agus i measc na gceisteanna a chuimsítear tá criosanna sábhála agus málaí aeir, tuirse tiománaithe, tiomáint faoi thionchar alcóil/drugaí, innealtóireacht agus forfheidhmiú um shábháilteacht ar bhóithre, garchabhair bhunúsach ag tuairteanna bóthair, seirbhísí éigeandála agus athshlánúchán, ceisteanna ceadúnaithe agus árachais, an NCT, ceannach cairr agus tiomáint thar lear. Tá foghlaim ábhartha don Tástáil Teoirice Tiomána san áireamh ag deireadh gach modúil.

Sa bhliain 2009, ghlac 45 mínteoir páirt i gclár oiliúna inseirbhíse faoin bpaca acmhainní. Go nuige seo, ghlac 254 mínteoir páirt i gclár oiliúna inseirbhíse.





'Safe Grads' – Treoiríní maidir le Sábháilteacht ar Bhóithre do Choláistí Tríú Leibhéal

I 2009, chomhordaigh an tÚdarás um Shábháilteacht ar Bhóithre (RSA) cur le chéile treoiríní comhtháite cuimsitheacha maidir le sábháilteacht ar bhóithre a díriodh ar choláistí tríú leibhéal.

Tugann na treoiríní struchtúr do choláistí tríú leibhéal faoinar féidir seachtain rathúil fhaisnéiseach a thógáil. Tá siad seo a leanas ar chomhpháirteanna an chlár:

- An Tointeálaí Idirghníomhach um Shábháilteacht ar Bhóithre
- Baint tarrthála feithicle ag seirbhís dóiteáin agus otharcharranna
- Seó bóthair an Gharda Síochána – 'It Won't Happen to Me'
- Feachtais i leith sábháilteachta ar bhóithre
- Seisiún ceisteanna agus freagraí faoi shábháilteacht ar bhóithre
- Tráth na gceist faoi shábháilteacht ar bhóithre
- Comórtas grianghrafadóireachta i leith sábháilteachta ar bhóithre
- Dúshlán ceoil faoi shábháilteacht ar bhóithre
- Tionscnaimh eile i leith sábháilteachta ar bhóithre

Cuireadh an clár 'Safe Grads' i i bhfeidhm i roinnt coláistí sa bhliain 2009, lena n-áirítear Coláiste na Tríonóide, Baile Átha Cliath, Institiúid Teicneolaíochta (I.T.) Leitir Ceanainn, Ollscoil Chathair Bhaile Átha Cliath, I.T. Chorcaí, I.T. Thrá Lí, I.T. Thamhlachta, Coláiste Ollscoile Bhaile Átha Cliath, I.T. na Gaillimhe-Mhaigh Eo, I.T. Shligigh agus Coláiste na hOllscoile, Corcaigh.



Sheol an RSA a dTointeálaí Idirghníomhach Taispeántais um Shábháilteacht ar Bhóithre ag Comóradh 50 Bliain Rós Thrá Lí. Bhí Joe Reynolds ó Reynolds Logistics a rinne urraíocht ar an aonad leantóra agus Joe Crann ó West Ward Scania a rinne urraíocht ar an aonad tarracóra i láthair freisin.

Seoladh 'Tointeálaí Idirghníomhaigh um Shábháilteacht ar Bhóithre'

Le linn cheiliúradh 50 bliain Fhéile Idirnáisiúnta Rós Thrá Lí, sheol an tUasal Gay Byrne, Cathaoirleach an Údaráis um Shábháilteacht ar Bhóithre 'Tointeálaí Idirghníomhach um Shábháilteacht ar Bhóithre' an RSA Dé Luain an 24 Lúnasa 2009. Fuair sé cuidiú ó roinnt Rósanna agus óna gcuid coimhdirí. Ábhar taithí an 21ú haois í an 'Tointeálaí' a bhfuil de chuspóir aici sábháilteacht ar bhóithre a thabhairt díreach go lár pobail áitiúla ar fud na tíre.

Tá na nithe seo a leanas sa Tointeálaí:

- Amadóirí frithghnímh;
- Ríomhairí ar a bhfuil an Tástáil Teoirice Tiomána, ceistneoirí, cluichí idirghníomhacha agus rochtain ar shuíomh gréasáin an RSA;
- Limistéir taispeántais le sábháilteacht ar bhóithre a chur chun cinn;
- Scáileán plasma a léiríonn roinnt fógrán faoi shábháilteacht ar bhóithre agus clár faoi shábháilteacht ar bhóithre;
- lonsamhlóir gluaisrothair;
- lonsamhlóir cairr;
- lonsamhlóir rothair.

Bhí an Tointeálaí i láthair ag 34 imeacht le linn 2009, idir





imeachtaí tríú leibhéal agus imeachtaí meánscoile i leith sábháilteachta ar bhóithre agus imeachtaí náisiúnta fearacht Rásaí na Gaillimhe agus Fhleadh Cheoil an Domhain. Meastar gur thug tuairim is 135,000 duine cuairt ar an Tointeálaí in 2009.

Clár an Phobail i leith Sábháilteachta ar Bhóithre

D'fhorbair grúpa oibre ilghníomhaireachta Clár an Phobail i Leith Sábháilteachta ar Bhóithre 'Protecting Our Community, A Call to Action' ar a raibh ionadaíocht ón RSA, Muintir na Tíre, Fóraim Náisiúnta Pobail, Feidhmeannacht na Seirbhíse Sláinte, Biúró Náisiúnta Bheartas Tráchtá an Gharda Síochána, Oifigigh Údarás Áitiúil um Shábháilteacht ar Bhóithre agus ón tSeirbhís Dóiteáin. Tá sé mar sprioc ag Clár an Phobail i leith Sábháilteachta ar Bhóithre dearchtaí agus iompraíocht daoine maidir le sábháilteacht ar bhóithre a athrú. Cuirfidh an RSA oiliúint ar cheannairí pobail leis an oiliúint seo a chur ar ghrúpaí pobail. Tá an paca acmhainní bunaithe ar Rialacha an Bhóthair agus beidh sé mar sprioc aige dearchtaí agus iompraíocht tiománaithe, coisithe, gluaisrothaithe agus rothaithe a athrú.

Díríonn sé ar cheithre phríomhábhar:

- Luas agus tiomáint róthapa;
- Úsáid criosanna sábhála, malaí aeir agus sraonta cearta páistí;
- Laige (alcól, úsáid dhleathach agus neamhdhleathach drugaí, tuirse tiománaithe agus úsáid ghuthán póca);
- Iompraíocht chontúirteach i dtreo/ag úsáideoirí leochaileacha bóithre (coisithe, gluaisrothaithe, rothaithe, páistí óga agus daoine scothaosta).

Bíonn faisnéis roghnach ag baint leis fosta, ar nós a leanas:

- Cáin bhóthair
- Boinn
- Árachas
- Ceannach cairr

(lena n-áirítear saincheisteanna comhshaoil agus Euro NCAP)

- Breosla
- Dea-chleachtas tiomána
- Brath guaiseacha

Tá a lán ábhar i gClár an Phobail i leith Sábháilteachta ar Bhóithre á múineadh le cúnamh ó DVD.

Tá an paca acmhainní formheasta ag an Áisíneacht Náisiúnta Litearthachta d'Aosaigh (NALA).



CPC Tiománaithe

Tá an RSA freagrach as an Deimhniú ar Inniúlacht Ghairmiúil tiománaithe (CPC Tiománaithe) a chur i bhfeidhm in Éirinn.

Caithfidh na tiománaithe gairmiúla uile a gcáilíocht CPC Tiománaithe a choinneáil trí lá amháin sa bhliain a chaitheamh i mbun oiliúna (cúig mhodúl oiliúna san iomlán gach cúig bliana).

D'fhorbair an RSA soláthróirí oiliúna a éascódh an oiliúint agus tá liosta nua le fáil ar shuíomh gréasáin an RSA ar a bhfuil na soláthróirí cáilithe oiliúna uile.

Déanfaidh na soláthróirí oiliúna taifead ar shonraí an tiománaí agus cuirfidh siad an RSA ar an eolas nuair a chuirfear gach modúl oiliúna i gcrích.

Coinneoidh an tAonad CPC taifead na tiomána agus i ndiaidh cúig bliana, tráth comhlíonta cúig mhodúl oiliúna, eiseofar cárta cáilithe tiomána CPC. Tá an cárta CPC bailí faoi choinne cúig bliana agus déanfar é a athnuachan gach cúig bliana i ndiaidh na modúil riachtanacha oiliúna a chríochnú.



'Play it Safe' – Treoirínte maidir le Sábháilteacht ar Bhóithre d'Eagraíochtaí Spóirt

Réitigh an RSA treoirínte maidir le sábháilteacht ar bhóithre d'eagraíochtaí spóirt i gcomhar leis an IRFU, an CLG, an FAI agus Rothaíocht Éireann. Tugtar faisnéis sna treoirínte d'eagraíochtaí spóirt faoi conas

bheith aireach ar shábháilteacht ar bhóithre agus imeacht spóirt á reáchtáil nó ag dul chuig imeachtaí spóirt agus ag teacht uatha. Is féidir na treoirínte a íoslódáil ó shuíomh gréasáin an RSA.

Tionscnaimh/Imeachtaí

‘Take One for the Road!’

Scaip an RSA 30,000 veist frithchaiteach ard-infheictheachta saor in aisce ar 4,200 teach tábhairne faoin tuath. Comhthionscnamh ba ea seo i dteannta Chónaidhm Díoltóirí Fíona na hÉireann (VFI/Vintners’ Federation of Ireland) agus FBD Insurance. Bhí an tiomáint sábháilteachta mar chuid de mhórbhlaist faoi shábháilteacht ar bhóithre a raibh mar aidhm aici coisithe agus rothaithe a chosaint agus iad ag dul chuig teach tábhairne áitiúil agus ag teacht uaidh.



Van Hanley, Uachtarán Chónaidhm Díoltóirí Fíona na hÉireann, Noel Brett, Príomhoifigeach Feidhmiúcháin an Udarais um Shábháilteacht ar Bhóithre, agus Walter Moran, Bainisteoir Díolachán Teicniúil FBD Insurance ag seoladh an fheachtais ard-infheictheachta tuaithe.

‘Keep the Race in its Place’

Chomhoibrigh an tUdarás um Shábháilteacht ar Bhóithre agus Railí Éireann (Rally Ireland), eagraithe an Chomórtais Dhomhanda Railí (WRC), le chéile d’fhonn comhtheachtaireacht sábháilteachta a eisiúint chuig an lucht leanúna a rinne freastal ar an imeacht spóirt idir an 29 Eanáir agus an 1 Feabhra 2009.

An Seó Gluaisrothar agus Scútar

Thug an RSA cuireadh do ghluaisrothaithe agus dóibh siúd a raibh ag smaoineamh faoi dhul ar dhá roth faoi chumhacht cuairt a thabhairt ar a seastán idirghníomhach um shábháilteacht ar bhóithre ag Seó Gluaisrothar agus Scútar 2009 a reáchtáladh san RDS idir Dé hAoine an 27 Feabhra agus Dé Domhnaigh an 1 Márta 2009.

Lá Fhéile Pádraig

Chomhoibrigh an RSA agus an Garda Síochána le chéile ag tarraingt ar Lá Fhéile Pádraig d’fhonn comhrabhadh achair a eisiúint faoin gcontúirt a bhaineann le tiomáint ar meisce.



Feachtas RSA agus Topaz um Thuirse Tiománaithe

Chomhoibrigh an RSA agus Topaz le chéile le feachtas a reáchtáil i rith gach deireadh seachtaine saoire bainc i 2009 le béim a leagan ar an gcontúirt a bhaineann le tuirse tiománaithe. Thug Topaz caife do thiománaithe saor in aisce Aoine na saoire bainc sna stáisiúin a ghlac páirt ar fud na tíre.

**Be safe
Be seen**



Feachtas um Choisithe Breacaosta

Sheol an RSA comhthionscnamh i dteannta Age Action Ireland agus Aontas Cógaisíochta na hÉireann Dé Máirt an 26 Bealtaine 2009. Scaipeadh 200,000 veist ard-infheictheachta saor in aisce san fheachtas seo. Fuarthas cúnamh ó United Drug agus ó phoitigéirí i ngach cearn den tír d’fhonn sábháilteacht ar bhóithre a chur chun cinn i measc daoine scothaosta in Éirinn.

Achainí an RSA agus IFA um Shábháilteacht ar Bhóithre

D’eisigh an RSA agus Feirmeoirí Aontaithe na hÉireann (IFA) comhráiteas Dé Céadaoin an 3 Meitheamh 2009 ag impí ar úsáideoirí bóithre bheith an-chúramach siocair go mbíonn níos mó tarracóirí, leantóirí agus innealraí eile feirme ar na bóithre i rith an tSamhraidh.



Comhairle faoi Shábháilteacht ar Bhóithre do Thiománaithe a bhíonn ag Tarraingt Carbhán nó Leantóirí

Thug an RSA comhairle phraiticiúil do dhuine ar bith a bhí ag dul ar saoire agus do chuairoteoirí chun na hÉireann

ón gcoigríoch faoi tharraingt shábháilte carbhán nó leantóirí. Tharla sé seo ag an am céanna a foilsíodh bileog nua ina bhfuil comhairle do thiománaithe atá ag tarraingt carbháin nó leantóirí báid b’fhéidir.

Comhdháil Idirnáisiúnta maidir le ‘Sábháilteacht ar Bhóithre san Ionad Oibre’



An tUasal Martin O'Halloran, CEO, HAS agus an tUasal Noel Brett, CEO, RSA ag seoladh na Comhdhála Idirnáisiúnta ar an 'Tiomáint ar son na hOibre'.

Bhí an tÚdarás um Shábháilteacht ar Bhóithre (RSA) agus an tÚdarás Sláinte agus Sábháilteachta (HSA) ina gcomhóstaigh do Chomhdháil Idirnáisiúnta maidir le 'Sábháilteacht ar Bhóithre san Ionad Oibre' Dé Luain an 15 Meitheamh 2009.

Ba é chuspóir na comhdhála, ag a raibh cainteoirí náisiúnta agus idirnáisiúnta i láthair, eolas a thabhairt d'fhostóirí faoina gcuid freagrachtaí maidir le sábháilteacht ar bhóithre, taighde agus staitisticí a thabhairt faoi mhinicíocht tráma bóthair a bhaineann leis an obair, cás-staidéir rathúla fostóra a chur i láthair, agus 'Treoirlínte maidir le Tiomáint ar son na hOibre' de chuid an RSA agus an HSA a sheoladh. Tiománaithe a bhíonn ag baint úsáid as a bhfeithicle ar son na hoibre atá i gceist le suas le trian de na himbhuailltí bóithre uile.



An tUasal Noel Brett, CEO, RSA agus Luke Shinnors, CEO, ESB ag foirmiú comhghuaillíocht straitéiseach.

Comhghuaillíocht Straitéiseach ESB agus an RSA

Shínigh ESB agus an RSA Comhghuaillíocht Straitéiseach trí bliana in 2009 d'fhonn a gcuid spriocanna a chur chun tosaigh maidir le tiomáint níos sábháilte. Déanfar forbairt ar phlean trí bliana, 'Sármhaitheas Tiomána Sábháilte a Bhaint Amach', sa chomhpháirtíocht le samhail dea-chleachtais a sholáthair chun nósanna imeachta a rialaíonn sábháilteacht ar bhóithre san ionad oibre a fhorbairt.

An Coimisiún um Rialáil Tacsaithe

Taxi Regulator
An Rialálaí Tacsaithe



Lean an RSA leo lena gcomhfheachtas leis an gCoimisiún um Rialáil Tacsaithe in 2009. Bhí sé mar aidhm ag an bhfeachtas teilifíse agus raidió 'Friends' meabhrú do dhaoine bheith ag smaoineamh chun tosaigh agus iad ag dul amach faoi choinne dí thar na laethanta saoire.

Ba é an phríomhtheachtaireacht gur cheart do dhaoine sult a bhaint as oíche amuigh ach gan a bheith ag tiomáint ar meisce. Bhí an feachtas ar siúl i rith an tSamhraidh agus i rith na Nollag le tionscnaimh leanúnacha an Údaráis um Shábháilteacht ar Bhóithre in aghaidh na tiomána ar meisce a chomhlánú.

An Comórtas Treabhdóireachta

Bheir an RSA a dTointeálaí Idirghníomhach um Shábháilteacht ar Bhóithre leo go dtí Comórtas Treabhdóireachta 2009 a ndearna de bhreis ar 150,000 duine freastal air. Mar chuid dá dtiomantas do chur chun cinn na sábháilteachta ar bhóithre ag an imeacht, thairg an RSA 40,000 veist ard-infheictheachta saor in aisce i gcomhar le FBD Insurance agus leis an Irish Farmers' Journal d'fhonn an tsábháilteacht a chur chun cinn ar na bóithre agus ar an bhfeirm.

Tabhartais in Aisce Earraí Ard-infheictheachta



An feachtas ard-infheictheachta le básanna coisithe a laghdú ina leath á seoladh ag an Uasal Gay Byrne agus Beth Nunan, ball de Age Action.

Sa bhliain 2009, chuaigh an RSA i gcomhpháirtíocht le roinnt eagraíochtaí le hearraí ard-infheictheachta a dháileadh saor in aisce. Ar na hearraí seo bhí:

- 250,000 cóta ard-infheictheachta d'úsáideoirí bóithre scothaosta i gcomhar le Age Action Ireland agus le United Drug;
- 25,000 cóta ard-infheictheachta gluaisrothaithe i gcomhar leis an iris, Bike Buyers' Guide;
- 25,000 cóta ard-infheictheachta i gcomhar le FBD Insurance agus le Cónaidhm Díoltóirí Fíona na hÉireann.
- 40,000 cóta ard-infheictheachta i gcomhar le FBD Insurance agus leis an Irish Farmers' Journal;

- 8,000 cóta ard-infheictheachta tugtha in aisce trí Advanced Pitstop;
- 20,000 cóta ard-infheictheachta trí Chumann Thionscal Mótar na hÉireann (SIMI);
- Níos mó ná 30,000 cóta ard-infheictheachta tríd an nGarda Síochána ag imeachtaí éagsúla faoi shábháilteacht ar bhóithre agus ag cainteanna scoile.

Scaipeadh os cionn 65,000 banda muinchille do pháistí tríd an Roinn Oideachais agus Eolaíochta mar chuid den Fheachtas um Fhilleadh ar an Scoil i mí Mheán Fómhair 2009 agus tugadh breis agus 20,000 banda muinchille do dhaoine fásta don phobal ónár dtointeálaí idirghníomhach ag imeachtaí éagsúla ar fud na tíre agus tríd an nGarda Síochána.



An dámhachtain um shábháilteacht ar bhóithre á bhronnadh ag Michael Brosnan, Bainisteoir Taighde an RSA ar Jonathan Murphy, Michael Breen agus Paul Fahey ag Taispeántas an Eolaí Óig.

Taispeántas BT an Eolaí Óig agus Teicneolaíochta 2009

Thug an tÚdarás um Shábháilteacht ar Bhóithre (RSA) cuireadh do dhaltai cuairt a thabhairt ar a dTointeálaí Idirghníomhach um Shábháilteacht ar Bhóithre atá lán de spraoi ag Taispeántas BT an Eolaí Óig agus Teicneolaíochta 2009 a reáchtáladh san RDS idir an 6 agus an 10 Eanáir 2009.

Bhí baill foirne an RSA ar fáil le comhairle agus le faisnéis a thabhairt faoi aon saincheistanna ar shábháilteacht ar bhóithre. Mar chuid den fheachtas sábháilteacht ar bhóithre a chur chun cinn i measc na ndaltai a bhí i láthair ag an imeacht seo, bhí na nithe seo a leanas á dtairiscint ag an RSA:

- Taispeántais an NCT – thug saineolaithe fúthu seo ar charr athlámhe le go mbeadh daltaí in ann feithicil lochtach a fheiceáil os a gcoinne agus leis na contúirtí féideartha a shainaithint. Rinneadh é seo ar bhuaileadh na huaire gach uair an chloig.
- Taispeáint fhógráin teilifíse an RSA – taispeánadh ‘Better, Safer, Driver’ agus an feachtas nua ‘Crashed Lives’ ar bhonn leanúnach.
- Comórtas XBOX – Bhí seans ag daltaí XBOX 360 a bhaint gach lá ach bhí orthu páirt a ghlacadh i dtráth na gceist faoi na gníomhaíochtaí uile a bhí ar na seastáin.
- Earraí an RSA – dáileadh máilíní droma, bandaí frithchaiteacha muinchille agus stiallacha ard-infheictheachta ar dhaltai



Seó Bóthair ‘Check it Fits’

Thug seó bóthair an RSA ‘Check it Fits’ cuairt ar dheich láthair ar fud na tíre i 2008. Ag gach ceann de na hionaid don seó bóthair ‘Check it Fits’, tugadh cuireadh don phobal a gcuid suíochán gluaisteáin do pháistí a chur faoi scrúdú saineolaithe suiteála um shuíocháin chairr do pháistí le fáil amach an raibh siad comhoiriúnach maidir leis an bpáiste/leis an gcarr agus an raibh siad curtha isteach mar ba cheart. Má dhéantar cinnte go bhfuil srian oiriúnach curtha ar pháiste i suíochán cairr do pháistí, is féidir gortuithe a laghdú faoi 90-95% do shuíocháin aghaidh ar chúl agus faoi 60% do shuíocháin dírithe chun tosaigh.

EARRACH 2009 AN 27-31 BEALTAINE	FÓMHAR 2009 AN 8-12 MEÁN FÓMHAIR
Léim an Bhradáin, Contae Chill Dara	Cathair Phort Láirge
Cill Chainnigh	Cathair Chorcaí
Baile Cheatharlach	Cathair na Gaillimhe
Droichead Átha, Contae Lú	Baile an Longfoirt
Sord, Contae Bhaile Átha Cliath	

Tugann Sir Alex Ferguson Tacaíocht don Fheachtas Sábháilteacht Páistí i gCarranna



An tUasal Noel Brett, CEO an RSA agus Sir Alex Ferguson, bainisteoir fhoireann peile Mhanchain Aontaithe ag seoladh an fheachtais, ‘Sábháilteacht Páistí i gCarranna’

Thug Sir Alex Ferguson, bainisteoir fhoireann peile Mhanchain Aontaithe, tacaíocht phearsanta d’iarrachtaí an RSA sábháilteacht páistí i gcarra a chur chun cinn i mí na Shamhna 2009. Gortaíodh an garmhac seo aigean i dtuairt chairr i mí na Bealtaine 2009 nuair a lig sé leis an gcrios sábhála faoina sciathán.



‘Lá Domhanda Cuimhneacháin’

Thug an RSA cuireadh do dhaoine ó gach cearn den tír cuimhneamh ar íospartaigh tuairteanna bóthair ar ‘Lá Domhanda Cuimhneacháin d’Íospartaigh Trácht Bóthair’, Dé Domhnaigh an 15 Samhain 2009.

Chuaigh an RSA i gcomhpháirtíocht le hOifigigh um Shábháilteacht ar Bhóithre, le Seirbhísí Éigeandála agus le baill den Gharda Síochána leis an lá a chomóradh agus cuimhneamh ar na daoine a cailleadh ar na bóithre. Cuireadh searmanas speisialta i láthair i nDoichead ‘Átha ar Lá Domhanda Cuimhneacháin sa Séipéal Agaistíneach. Tugadh cuireadh don ord rialta Anglacánach freastal ar an searmanas agus páirt a ghlacadh sa Lá Domhanda Cuimhneacháin.

Ina theannta sin, reáchtáil Comhairle Contae Lú paidreacha ag searmanais Chaitliceacha agus Anglacánacha i gContae Lú agus lasadh coinneal le linn na searmanas séipéil seo i gcuimhne na n-íospartach trácht bóthair.

Seachtain na hÉireann um Shábháilteacht ar Bhóithre – an 12-19 Deireadh Fómhair 2009



Léacht Chomhairle Sábháilteachta Iompair na hEorpa i dtaobh Sábháilteachta ar Bhóithre

Bhí níos mó ná 30 saineolaí um shábháilteacht ar bhóithre ón AE i gcuideachta toiscairí Éireannacha ag Léacht Chomhairle Sábháilteachta Iompair na hEorpa (ETSC), ‘Alcól agus Tiomáint’, a raibh an tÚdarás um Shábháilteacht ar Bhóithre (RSA) ina n-óstaigh dó i gCaisleán Bhaile Átha Cliath, Dé Luain an 12 Deireadh Fómhair. Bhí an léacht ar shábháilteacht ar bhóithre ar siúl an chéad lá de ‘Sheachtain na hÉireann um Shábháilteacht ar Bhóithre’.

Thug taighde ag an léacht le fios go gcuireann tiomáint ar meisce le suas le 10,000 bás ar bhóithre an AE gach bliain. Ina theannta sin, b’fhéidir gur chuir alcól le níos mó ná 1,000 imbhualadh marfach in Éirinn sna deich mbliana idir 1999 agus 2008.



Gay Byrne, Cathaoirleach an Údarás um Shábháilteacht ar Bhóithre i gcuideachta Paddy agus Mary Matthews ó Matthews Coach ag Dámhachtainí Lucht Tionchair na Sábháilteachta ar Bhóithre 2009, de chuid an t-Údarás um Shábháilteacht ar Bhóithre i Farmleigh. Bronnadh na Dámhachtainí Lucht Tionchair na Sábháilteachta ar Bhóithre (‘Leading Lights Road Safety Awards’) um ‘Eagraíocht’ agus ‘Ardghradam’ ar Matthews Coach as sraith beart um shábháilteacht ar bhóithre a chur i bhfeidhm le sábháilteacht a gcabhláigh a fheabhsú, go háirithe suiteáil anáileadán Alcolock 500.

Searmanas Dámhachtainí ‘Lucht Tionchair na Sábháilteachta ar Bhóithre’

Bhí an searmanas seo ar siúl i Farmleigh. Thug na dámhachtainí aitheantas d’iarrachtaí daoine agus grúpaí sábháilteacht ar bhóithre a chur chun cinn go náisiúnta agus sa phobal.

Bhuaigh Matthews Coach Hire an ‘tArdghradam’. Gnólacht teaghlaigh iad Matthews Coach atá lonnaithe i Inis Caoin i gContae Mhuineacháin. Bhunaigh Paddy Matthews, arb as Dún Dealgan dó ó dhúchas, agus a bhean chéile, Mary, an gnólacht i 1995. Cuireann an gnólacht seirbhís comaitéirí ar fáil do dhaoine atá i mbun oibre i mBaile Átha Cliath agus bronnadh an ‘tArdghradam’ agus an dámhachtain sa chatagóir ‘Eagraíochta’ orthu as sraith beart um shábháilteacht ar bhóithre a chur i bhfeidhm le sábháilteacht a gcabhláigh a fheabhsú, go háirithe suiteáil anáileadán Alcolock 500.

‘Oíche Eorpach gan Timpiste’



Bhí an RSA ina n-óstaigh don tríú ‘hOíche Eorpach gan Timpiste’ Dé Sathairn an 17 Deireadh Fómhair 2009 mar chuid de Sheachtain na hÉireann um Shábháilteacht ar Bhóithre. Bhí sé mar aidhm ag an tionscnamh iompraíocht fhreagrach taobh thiar den roth a chur chun cinn i measc aostaigh óga.

Reáchtáil oibrithe deonacha fásta óga an tionscnamh a spreagann grúpaí de dhaoine óga atá ag dul isteach i gclubanna oíche ‘tiománaí ainmnithe’ a cheapadh don oíche. Tugadh banda rosta do na ‘tiománaithe ainmnithe’ lena mian fanacht ar shiúl ó alcól don oíche a chur in iúl. Agus iad ag fágáil an chlub oíche, d’iarr na hoibrithe deonacha ar na ‘tiománaithe ainmnithe’ séideadh isteach san anáileadán ar a dtoil féin le feiceáil an raibh siad dílis dá mian.

Chuir na torthaí in iúl gur éirigh cuid mhór daoine óga ina dtiománaithe ainmnithe agus gur chinn siad gan ól, agus gan tiomáint ar meisce dá bharr, don oíche. Reáchtáladh é seo in 11 chlub oíche i naoi mbaile agus gcathair éagsúla sa tír.

Soilse Reatha Lae

Tugann staidéir le fios gur bealach éifeachtach é chun imbhualtí a laghdú ná soilse reatha lae a úsáid de bharr go gcuireann siad feabhas ar an infheictheacht ar na bóithre. Le linn dheireadh seachtaine saoire bainc Dheireadh Fómhair, reáchtáil an RSA feachtas le gach úsáideoir bóthair a spreagadh na ceannsoilse maolaithe a úsáid, fiú agus iad ag tiomáint i rith an lae le hiarracht a dhéanamh imbhualtí a chosc. Scaip an RSA bileog ar thiománaithe ina raibh comhairle faoin 'dea-smaoineamh' a bhí taobh thiar den teachtaireacht 'Cuir na Soilse ar Siúl le Beathaí a Shábháil' ('Lights on to Save Lives'). Tugtar breac-chuntas sa bhileog seo, atá ar fáil ar líne ag www.rsa.ie, faoin mbealach ar féidir le húsáid na gceannsoilse maolaithe cur le laghdú ar líon na mbásanna agus na ngortuithe tromchúiseacha ar ár mbóithre agus spreagtar gach tiománaí a soilse a chur ar siúl, ní hamháin agus iad ag tiomáint san oíche. Dhírigh an RSA ar roinnt eagraíochtaí a thug cúnamh don fheachtas trí fheachtas an DRL a chur chun cinn i measc a gcuid fostaithe. Ar na fostóirí sin bhí institiúidí oideachais tríú leibhéal, ranna Rialtais, údaráis áitiúla, Feidhmeannacht na Seirbhíse Sláinte, Bus Átha Cliath agus Comhlachas Tarlú Bóthair na hÉireann.



Tús maith leath na hoibre! An tUasal John O'Gara, CEO, Park Rite agus an tUasal Noel Brett, CEO an RSA ag cur comhairle ar thiománaithe chun a gcrios sábhála a chaitheamh agus chun na ceannsoilse maolaithe a chur ar siúl i rith an lae.

Sheol an RSA agus Park Rite feachtas feasachta um shábháilteacht ar bhóithre in 2009. Dhírigh siad ar mhór-charrchlóis ar fud na tíre

Is é atá faoi thrácht san fheachtas suiteáil póstaer a thaispeánann teachtaireachtaí faoi chaitheamh criosanna sábhála agus faoi shoilse reatha lae (DRL) i láithreacha an-infheicthe, i mbealaí isteach agus amach agus i limistéir ionad íochta, i gcarrchlóis Park Rite ar fud na tíre. Chuir Park Rite láithreacha uile na bpóstaer ar fáil ina gcuid carrchlóis saor in aisce don RSA.

Oifigigh um Shábháilteacht ar Bhóithre na nÚdarás Áitiúil

Bhí an RSA ina n-óstaigh do cheithre sheimineár le hOifigigh um Shábháilteacht ar Bhóithre na nÚdarás Áitiúil in 2009. Ba é aidhm na seimineáir cur chuige níos comhtháite i dtaobh sábháilteachta ar bhóithre a éascú ar fud na tíre. D'fhorbair an RSA tairseach faisnéise le haghaidh Oifigeach um Shábháilteacht ar Bhóithre (RSOanna). Cuirtear Oifigigh um Shábháilteacht ar Bhóithre ar an eolas maidir le gach gníomhaíocht um shábháilteacht ar bhóithre tríd an meán seo lena n-áirítear staitisticí seachtainiúla um shábháilteacht ar bhóithre arna chur ar fáil ag an nGarda Síochána, preaseisiúintí, sonraí maidir le clár oideachais um shábháilteacht ar bhóithre lena n-áirítear leibhéil réamhscoile agus bunscoile, dara leibhéil, tríú leibhéil agus leibhéal pobail.



An tUachtarán Máire Mhic Giolla Íosa leis an othar a bhí i dtimpiste gluaisrothair, Derek Doorley agus an tUasal Gay Byrne, Cathaoirleach an Údaráis um Shábháilteacht ar Bhóithre ag feachtas na Nollag in aghaidh tiomána faoi thionchar dí san Ospidéal Náisiúnta Athshlánaíthe, Dún Laoghaire, Co. Bhaile Átha Cliath.

Feachtas na Nollag in aghaidh Tiomána faoi Thionchar Dí

Feachtas na Nollag & Athbhliana um Shábháilteacht ar Bhóithre 2009. Dé Céadaoin an 25 Samhain 2009, sheol Uachtarán na hÉireann, Máire Mhic Giolla Íosa Feachtas Nollag & Athbhliana um Shábháilteacht ar Bhóithre de chuid an Údaráis um Shábháilteacht ar Bhóithre (RSA) agus an Gharda Síochána ag an Ospidéal Náisiúnta Athshlánaíthe, i nDún Laoghaire, Baile Átha Cliath. Chuaigh an RSA i gcomhar leis an gCoimisiún um Rialáil Tacsaithe agus le MEAS don dara huair in 2009 chun feachtais in aghaidh tiomána ar meisce a sheoladh. Áiríodh san fheachtas, i bpáirt leis an gCoimisiún um Rialáil Tacsaithe, fógra teilifíse agus raidió dírithe ar dhaoine a spreagadh le dul abhaile go sábháilte i rith an tséasúir fheiltiúil trí úsáid a bhaint as tacsaithe nó fruilcharranna. Áiríodh sa dara feachtas, i bpáirt le MEAS, dhá fhógra raidió agus cuireadh béim iontu ar an gcontúirt a bhaineann le tiomáint ar meisce an mhaidin tar éis bheith amuigh ag ól.

Foláireamh Aimsire um Shábháilteacht ar Bhóithre

In 2009, lean an RSA orthu leis an tseirbhís um fholáireamh aimsire le Met Éireann. Tá an RSA mar pháirtí fógartha i ngach dianrabhadh aimsire a eísíonn Met Éireann. D'eisigh an RSA roinnt foláireamh um shábháilteacht ar bhóithre don phobal tar éis rabhadh den chineál sin a fháil ó Met Éireann in 2009.

Ceolchoirmeacha / Féilte

Chuir an RSA idirghabhálacha fógraíochta um shábháilteacht ar bhóithre ar fáil ag gach mórfhéile ceoil i rith an tsamhraidh, go speisialta, Féile Ceoil Oxygen, an fhéile ceoil faoin spéir is mó sa bhliain. Bhí an RSA i láthair chomh maith ag imeachtaí Electric Picnic agus Modified Motors.

Poiblíocht

Chuir Roinn Cumarsáide an RSA tacaíocht phoiblíochta ar fáil do gach feachtas fógraíochta agus bolscaireachta a seoladh in 2009 agus baineadh amach clúdach suntasach meáin a chuir le feasacht, tuiscint agus díospóireacht phoiblí ar na saincheistanna sin. Anuas air sin, eisíodh sruth seasta eisiúintí meán i rith 2009 a chlúdaigh go leor ábhair éagsúla go mion ar an teilifís, raidió, preas agus meáin leictreonacha agus d'eascair agallaimh le hurlabhraithe RSA as sin.

Taighde um Shábháilteacht ar Bhóithre

Déanann an Roinn Taighde san Údarás um Shábháilteacht ar Bhóithre clár oibre a shainítear sa Straitéis um Shábháilteacht ar Bhóithre 2007-2012. Clúdaíonn an roinn na príomhréimsí seo a leanas:

- Cothabháil an bhunachair shonraí um imbhuilteacht bóithre agus an chórais eolais;
- Grinnanailís ar an sonraí imbhuilte;
- Tuairiscí staitistiúla a chur ar fáil maidir le himbhualtí bóithre in Éirinn;
- Suirbhé ar luas agus ar chaitheamh criosanna sábhála ar bhóithre na hÉireann;
- Sainaithint chórasach ar shuíomhanna ard-imbhuilte ar an ngréasán bóithre náisiúnta;
- Taighde idirdisciplíneach a dhéanamh leis an gcaoi a dtarlaíonn imbhuilte bóithre agus na gortuithe a eascraíonn astu a thuiscint;
- Bealaí a mholadh agus a mheas chun imbhuilte agus gortuithe a chosc;
- Rannpháirtíocht i dtionscadail náisiúnta agus idirnáisiúnta taighde sa réimse shábháilteachta ar bhóithre;
- Rannpháirtíocht i gcláir thaighde AE cosúil le SARTRE, CARE, IRTAD agus EURORAP;
- Eolas a sholáthar do chomhlachtaí poiblí, náisiúnta agus idirnáisiúnta.

Déanann an roinn teagmháil chomh maith le Biúró Náisiúnta Bheartas Tráchtá an Gharda Síochána, leis an t-Údarás um Bóithre Náisiúnta, le Bord Eolaíocht Ríomhaireachta an Rialtais Áitiúil agus le heagraíochtaí eile ar ghnéithe a bhaineann le gníomhaíochtaí taighde um shábháilteacht ar bhóithre.

GNÍOMHAÍOCHT TAIGHDE 2009

Bunachar Sonraí um Imbhualtí Bóithre

Cuirtear eolas imbhuilte a ghineann baill an Gharda Síochána ar aghaidh chuig an Roinn Anailíse san Údarás um Shábháilteacht ar Bhóithre (RSA) i gcomhair anailíse agus foilsíú. Déantar léarscáiliú agus anailísiú ar an eolas imbhuilte sa Roinn Taighde den RSA. Foilsíonn an RSA torthaí na hanailíse ina Leabhar Fírice um Imbhualtí Bóithre go bliantúil. Tá faisnéis ghinearálta, faisnéis ar fheithiclí agus faisnéis eile ar nós cúiseanna féideartha imbhuilte san eolas imbhuilte. Úsáidtear na torthaí chun monatóireacht a dhéanamh ar threochtaí, chun díriú ar thionscnaimh shábháilteachta agus chun cur le hathbheithniú leanúnach ar bheartas poiblí maidir le shábháilteacht ar bhóithre. I 2009, foilsíodh Leabhar Fírice um Imbhualtí Bóithre 2008 agus tuairiscíodh ann gur maraíodh 279 duine, gur gortaíodh 9,758 agus gur bhain 21,728 imbhuilte le damáiste maoine nó ábhair amháin as an 28,464 imbhuilte mótarfheithicil Garda-tuairiscithe.


Suirbhé Saorluais

Foilsíodh Suirbhé Saorluais Bliantúil do 2008 ar láithreán gréasáin an Údarais um Shábháilteacht ar Bhóithre i 2009. Féachadh ar 11,935 carr, 1,296 feithicil altacha, 3,108 feithicil dochta agus 360 bus aon stóir. D'aimsigh an suirbhé go raibh an céatadán daoine a sháraigh an luasteorainn idir 16% agus 86% ag brath ar an gcineál bóthair agus an luasteorainn a bhain leis. Ina theannta sin, bhí an céatadán tiománaithe a bhris an luasteorainn de 10km/u nó níos mó idir 3% agus 47%, ag brath ar an gcineál bóthair. Aimsíodh sa suirbhé go raibh feabhas suntasach sa chéatadán feithicil a bhí ag cloí leis na luasteorainneacha ar bhóithre náisiúnta agus cónaithe uirbeacha. Ach tá cloí iomlán tiománaithe le luasteorainneacha ar bhóithre uirbeacha fós go dona. Ar an meán, sháraigh triúr as gach cúigear tiománaithe an luasteorainn a leagadh amach i gceantair uirbeacha.



Suirbhé maidir le Caitheamh Crios Sábhála

I 2008, rinne an RSA suirbhé ar chaitheamh crios sábhála ar bhóithre na hÉireann a foilsíodh i 2009. Taifeadh úsáid crios sábhála agus inscne ó tiománaithe ag taisteal feadh sampla bóithre a roghnaíodh. Taifeadh sonraí ó tiománaithe carr, tiománaithe feithicil earraí éadroma agus ó phaisinéirí fásta chun tosaigh agus ar chúl. Rinneadh suirbhéanna eile ar leanaí bunscoile agus meánscoile a bhí ag taisteal chun tosaigh nó ar chúl sa charr chomh maith.



Rinneadh an suirbhé i measc 16,413 duine fásta a bhí i suíochán tosaigh feithicil, arb tiománaithe 13,521 (82%) díobh. Sa mhullach air sin, féachadh ar 586 duine fásta a bhí i suíocháin chúl. I 2008, taifeadh 89% de dhaoine fásta (tiománaithe, paisinéirí tosaigh agus cúl) agus crios sábhála á chaitheamh acu – an ráta is airde go dtí seo. Chonacthas go raibh 90% de tiománaithe ag caitheamh crios sábhála, feabhas 2% ar rátaí 2007. Aimsíodh na rátaí seo a leanas i suirbhéanna um chaitheamh crios sábhála i mblianta roimhe seo:

- 2006 agus 2005 - 86 %
- 2003 - 85 %
- 2002 - 71 %
- 1999 - 55 %
- 1991 - 52 %

Ag 74%, chonacthas ardú 4% ar rátaí caithimh chrios sábhála in 2007 (70%) i measc leanaí bunscoile. Chonacthas ardú níos suntasaí i measc daltaí meánscoile agus 72% díobh ag caitheamh crios sábhála, ardú 9% ar 2007 (63%).

Staidéar Breathnaitheach ar Úsáid Ghutháin Phóca i measc Tiománaithe 2009

Choimisiúnaigh an RSA suirbhéanna breathnaitheacha ar thaobh an bhóthair ar úsáid ghutháin phóca i measc tiománaithe. Rinneadh na suirbhéanna breathnaitheacha ar thiománaithe i gcarranna ar thaobh an bhóthair ag 45 suíomh i seacht gceantar in Éirinn. Seo a leanas na ceantair:



- Baile Átha Luain agus an ceantar máguaird
- Corcaigh
- Baile Átha Cliath
- Dún Dealgan / Droichead Átha
- Gaillimh
- Luimneach
- Maigh Nuad agus an ceantar máguaird, Co. Chill Dara

Thaifead an suirbhé an raibh nó nach raibh guthán póca láimhe in úsáid ag an tiománaí i ngach feithicil ag dul thar shuíomh an tsuirbhé. Ina iomláine, rinneadh 33,949 breathnóireacht ina raibh guthán póca láimhe in úsáid ag 1,964 tiománaí. Léiríonn sé seo ráta iomlán neamhchloíte 6%.

	BREATHNÓIR-EACHTAÍ IOMLÁNA	ÚSÁID GHUTHÁIN PHÓCA	% AG ÚSÁID GUTHÁN PÓCA
BAILE ÁTHA LUAIN & AN CEANTAR MÁGUAIRD	4059	71	2%
CORCAIGH	4664	576	12%
BAILE ÁTHA CLIATH	6817	248	4%
DÚN DEALGAN / DROICHEAD ÁTHA	3797	132	3%
GAILLIMH	5036	184	4%
LUIMNEACH	5038	333	7%
MAIGH NUAD & AN CEANTAR MÁGUAIRD	4538	425	9%
IOMLÁN	33,949	1,969	6%

Staidéar Breathnaitheach ar Úsáid Mhíchuí Lampaí Ceo i measc Tiománaithe 2009

Choimisiúnaigh an RSA suirbhéanna breathnaitheacha ar thaobh an bhóthair ar úsáid mhíchuí lampaí ceo i measc tiománaithe. Rinneadh na suirbhéanna breathnaitheacha ar thiománaithe i gcarranna ar thaobh an bhóthair ag 75 suíomh i 20 ceantar in Éirinn. Léirítear na ceantair seo thíos. Thaifead an suirbhé an raibh nó nach raibh lampaí ceo ar siúl ag an am sonrach sin. Ag gach am, taifeadadh an aimsir chomh maith. Ina iomláine, rinneadh 58,008 breithniúchán. Fágadh amanna nuair a bhí ceo nó ceochán ann ar lár ón gcomhaireamh, rud a d'fhág iomlán 53,881 (fágann sé seo cúig shuíomh amach ón iomlán). Is é an meánlíon lampaí ceo a bhí ar siúl nuair nach raibh gá leo 7,108 (13%).

	BREATHNÓIR-EACHTAÍ IOMLÁNA	ÚSÁID LAMPAÍ CEO	% AG ÚSÁID LAMPAÍ CEO NUAIR NÁR THEASTAIGH SIAD
BAILE ÁTHA LUAIN & AN CEANTAR MÁGUAIRD	4608	811	18%
CORCAIGH	5739	1237	22%
BAILE ÁTHA CLIATH	8102	902	11%
DÚN DEALGAN / DROICHEAD ÁTHA	3408	460	13%
GAILLIMH	6529	740	11%
LUIMNEACH	7410	369	5%
MAIGH NUAD & AN CEANTAR MÁGUAIRD	4186	608	15%
CILL DARA	3128	418	13%
AN CABHÁN	463	107	23%
AN CLÁR	717	110	15%
CILL CHAINNIGH	571	65	11%
LAOIS	1167	129	11%
LÚ	648	91	14%
MAIGH EO	1434	236	16%
AN MHÍ	2532	416	16%
MUINEACHÁN	1080	185	17%
UÍBH FHAILÍ	575	109	19%
SLIGEACH	1368	78	6%
TIOBRAID ÁRANN	216	33	15%
IOMLÁN	53,881	7,104	13%

Leabharlann

Tá leabharlann taighde bunaithe ag an roinn taighde ag cearncheathrú an RSA i mBéal an Átha. Tá an leabharlann anois ina hacmhainn shuntasach faisnéise i ngach gné de shábháilteacht ar bhóithre.

Suirbhéanna Dearcaidh

Choimisiúnaigh an roinn taighde taighde dearcaidh ar úsáideoirí bóithre na hÉireann ar na saincheistean seo a leanas:

- úinéireacht feithicle
- ceadúnais tiomána
- úsáid feithicle
- amanna turais
- iompraíochtaí tiomána róthapa
- baint le himbhualtí
- sábháilteacht cairr
- úsáid srianta leanaí
- éadaí cosanta
- úsáid clogaid
- tiomáint ar meisce
- úsáid ghutháin phóca
- tiomáint faoi thionchar drugaí agus iompraíocht tiomána.

Críochnaíodh an obair allamuigh agus an anailís in 2009 agus scaipfear an taighde i rith chéad ráithe 2010.

Teagmháil Idirnáisiúnta

Tá an RSA tiomanta do rannpháirtíocht i dtaighde Eorpach agus do chumas taighde um shábháilteacht ar bhóithre a fhorbairt laistigh den údarás den chaighdeán is airde. Rinne an roinn taighde ionadaíocht thar ceann an RSA ag cruinniú bliantúil Bhord an Fhórait Eorpaigh d'Institiúidí Taighde um Shábháilteacht ar Bhóithre (FERSI); cruinniú bliantúil OECD – Fóram Iompair Idirnáisiúnta; Bunachar Sonraí um Thrácht agus Timpistí ar Bhóithre (IRTAD); comhdháil bhliantúil na Faireachlainne Eorpaí um Shábháilteacht ar Bhóithre (ERSO-SafetyNet); agus cruinniú bliantúil PIN den Comhairle Sábháilteachta Iompair na hEorpa (ETSC).



ETSC (Comhairle Eorpach um Shábháilteacht Iompair): Léacht Bhliantúil

Reáchtáladh an 11ú léacht de chuid ETSC i mBaile Átha Cliath an 12 Deireadh Fómhair 2009 mar chuid de Sheachtain um

Shábháilteacht ar Bhóithre na hÉireann agus d'óstáil an RSA é, atá ina bhall eagraíochta den ETSC.

Ba é an tOllamh Denis Cusack, Stiúrthóir na hOifige Míochaine um Shábháilteacht ar Bhóithre agus Ollamh le Míochaine Fhóiréinseach agus Míochaine Dlí ag Coláiste na hOllscoile, Baile Átha Cliath an príomhchainteoir. Ba é téama an pháipéir a thug an tOllamh Cusack *“Tiomáint ar Meisce – soirbheachas cuí leis an ngá do smaoineamh le chéile agus le gníomhaíocht thar na gairmeacha, gníomhaireachtaí agus Stáit”* (*‘Intoxicated Driving – Justified optimism with the need for joined up thinking and action across professions, agencies and States’*). Roimh an léacht, thug an tAire Iompair, an tUasal Noel Dempsey, T.D. aitheasc oscailte agus labhair Noel Brett, CEO an Údaráis um Shábháilteacht ar Bhóithre, agus an tOllamh Richard Allsop, Stiúrthóir Bhord ETSC, chomh maith.

Dúirt an tOllamh Cusack go raibh lagú mar thoradh ar alcól ar bith a ól. Dúirt an tOllamh Cusack go raibh an líon cásanna a raibh baint ag drugaí le tiomáint ag ardú agus go raibh an Oifig Míochaine ag tástáil níos mó samplaí agus ag fáil níos mó torthaí dearfacha do dhruaí gach bliain. In 2008, thástáil an MBRS 1,842 sampla agus dheimhnigh siad drugaí i 1,411 cás.

Mar fhreagra ar léacht an Ollaimh Cusack, leag Stefan Siegrist, Leas-Stiúrthóir agus Ceann Taighde agus Oiliúna ag an gComhairle Eilvéiseach do Chosc Timpistí amach na hathruithe san Eilvéis tar éis an leibhéil 0.05g/dL a thabhairt isteach in 2005. Thug Eva-Maria Erenli, cinnire tionscadail agus saineolaí dlí ag Bord um Shábháilteacht ar Bhóithre na hOstaire páipéar den chineál céanna ar an staid san Ostair tar éis an leibhéil BAC a laghdú i 1975. Sa dá chás, bhí dea-thionchar ag an laghdú ar rátaí imbhualte agus ar rátaí ciontaithe. D’fhreastail os cionn céad toscaire ar an léacht.

Tá an tÚdarás um Shábháilteacht ar
Bhóithre tiomanta do chlár taighde
fadtéarmach um shábháilteacht ar
bhóithre a fhorbairt.

Caighdeáin Feithicle agus Forfheidhmiú

Tá ceanncheathrú na Stiúrthóireachta um Chaighdeáin agus Forfheidhmiú bunaithe i mBaile Locha Riach, áit a bhfuil forfheidhmiú agus feidhmeanna tástála feithiclí tráchtála bunaithe. Tá an fheidhm um Chaighdeáin Feithiclí bunaithe i gCeanncheathrú an RSA i mBéal an Átha.

Cuimsíonn an Stiúrthóireacht um Chaighdeáin agus Forfheidhmiú na príomhréimsí agus feidhmeanna seo a leanas:

- faomhadh agus rialúchán um chur chun seirbhíse feithiclí nua agus rialúchán feithiclí in úsáid ar ár mbóithre;
- reachtaíocht iompair ar bhóithre AE agus náisiúnta maidir le tacagraif, rialacha tiománaithe, Treoir ar Am Oibre agus ceadúnú tarlaíthe bóthair agus oibríochtaí paisinéara a fhorfheidhmiú;
- maoirsiú a dhéanamh ar an scéim Ródacmhainneacht Feithiclí Tráchtála chun caighdeán agus sláine na scéime a chinntiú agus chun cuidiú leis an nGarda Síochána chun seiceáil ar thaobh an bhóthair a dhéanamh ar ródacmhainneacht feithiclí tráchtála;
- an tSeirbhís Náisiúnta Tástála Carranna a riaradh agus monatóireacht a dhéanamh ar fheidhmíocht an chonraitheora ar son an Stáit;
- scéim eisiúna Cárta Tacagraif Dhigitigh a riaradh ar son an Stáit.

Is é aidhm fhoriomlán na Stiúrthóireachta a chinntiú go bhfuil caighdeáin feithiclí agus nósanna imeachta tástála na hÉireann ar aon dul le dea-chleachtas agus gur féidir le hoibreoirí agus le tiománaithe feithiclí tráchtála a n-obleagáid a shásamh chun feithiclí tráchtála a úsáid agus a fheidhmiú go sábháilte agus go ndéanann siad sin. Is é an aidhm atá leis a chinntiú go gcuireann obair na Stiúrthóireachta leis an RSA bheith ina údarás aitheanta ag a bhfuil tionchar ar shábháilteacht ar bhóithre.



Caighdeáin Feithiclí

Tá caighdeáin feithiclí ag athrú agus ag feabhsú go leanúnach de bharr forbairtí sábháilteachta, comhshaoil agus teicneolaíochta. Tá oibleagáid láidir reachtúil ann chomh maith chun caighdeáin feithiclí a rialú mar thoradh ar Achtanna um Thrácht ar Bhóithre na hÉireann agus Treoracha AE.

Rinne an RSA ionadaíocht thar ceann na hÉireann ag fóraim AE agus idirnáisiúnta agus tá siad freagrach as ionchur i mbeartas AE, agus é a fhorfheidhmiú, maidir le faomhadh cineáil agus iontráil i seirbhís feithiclí nua. Tá an RSA freagrach chomh maith as reachtaíocht nua um Thrácht ar Bhóithre a mholadh d'fheithiclí atá in úsáid ar ár mbóithre.

Oibríonn an RSA go dlúth le roinnt comhlachtaí eile Stáit maidir le caighdeáin feithiclí, lena n-áirítear an Roinn Iompair, na Coimisinéirí Ioncaim, an tÚdarás um Chaighdeáin Náisiúnta na hÉireann agus an Roinn Comhshaoil, Oidhreacht agus Rialtais Áitiúil.

Cineálcheadú Iomlán Feithicle CE

Tugadh isteach Cineálcheadú Iomlán Feithicle CE (ECWVTA) agus na Scéimeanna Náisiúnta lena mbaineann in Éirinn i Aibreán 2009. Is é cuspóir an chórais chineálcheadaithe bacainní le díol feithiclí bóthair idir Ballstáit an Aontais Eorpaigh a bhaint agus ag an am céanna a chinntiú go gcloíonn na feithiclí le riachtanais choitianta sábháilteachta agus comhshaoil.



Den chéad uair, tá córas ag Éirinn chineálcheadú náisiúnta a chinnteoidh caighdeán comhsheasmhach feithiclí a thiontaítear nó a mhionathraítear in Éirinn. Ó Aibreán 2009, caithfidh gach feithicil M1 (carranna le níos lú ná 8 suíochán do phaisinéirí) cineálcheadú a fháil sular féidir iad a chlárú. Ag dátaí éagsúla idir Deireadh Fómhair 2010 agus Deireadh Fómhair 2014, beidh ar veaineanna, trucaillí, busanna agus leantóirí cloí le riachtanais chineálcheadaithe d'fhonn bheith cláraithe in Éirinn.

Is é an tÚdarás um Chaighdeáin Náisiúnta na hÉireann (NSAI) an t-údarás deimhnithe um chineálcheadaithe (féach www.nsai.ie).

Oibríonn an RSA go dlúth leis an NSAI lena chinntiú go bhfuil an córas cineálcheadaithe ag obair go héifeachtach.

Sainchomhairliúcháin Phoiblí

I rith 2009, rinne an RSA na sainchomhairliúcháin phoiblí seo a leanas maidir le Caighdeáin Feithicle:

- Soilse Reatha Lae

Bíonn feithiclí níos feiceálaí má bhíonn Soilse Reatha Lae (DRL) orthu agus léiríonn taighde go laghdaíonn DRL an dealraitheacht go mbeadh imbhuailtí ilpháirtí ann i rith an lae. Bhí dhá rogha i gcáipéis sainchomhairliúcháin an RSA

d'fhorfheidhmiú DRL in Éirinn:

Rogha 1 - Go n-úsáidfeadh gach feithicil nua agus atá ann cheana DRL.

Rogha 2 - Go bhforfheidhmeofaí na bunriachtanais Eorpacha in Éirinn, dá bhrí sin ní bheadh tionchar aige ach ar fheithiclí nua ó na dátaí a leagadh amach sa Treoir AE 2008/89/EC.

Fuair an RSA líon mór freagraí ar an sainchomhairliúcháin a bhfuil measúnú á dhéanamh orthu anois. Ansin tabharfaidh an RSA a moltaí don Aire Iompair chun críche.

- Coscánú

Mhol an sainchomhairliúcháin caighdeáin coscánaithe a thabhairt isteach i bhfeithiclí nua de réir an dea-chleachtais san AE. Moltar chomh maith go láidreofaí an dlí atá ann trína dhéanamh riachtanach go ndéanfaí cothabháil ar fheithicle choscánaithe feadh shaolré na feithicle.

Bhí tacaíocht fhorleathan leis na tograí. Ag deireadh 2009, bhí anailís an RSA ar fhreagraí an tsainchomhairliúcháin gar le bheith críochnaithe agus bhíodhas ag súil le tograí a chur faoi bhráid an Aire Iompair go luath I 2010.

- Sochtadh Sprae

Cuireann córais sochta sprae ar fheithiclí earraí troma le sábháilteacht ar bhóithre tríd an méid sprae a chaitheann rothaí na bhfeithiclí sin aníos agus iad ag taisteal ar bhóithre fliucha a laghdú. Ina gcáipéis sainchomhairliúcháin, mhol an RSA go mbeadh córais sochta sprae éigeantach ar fheithiclí earraí troma nua agus atá ann cheana, atá níos troime ná 7.5 tona Ollmheáchan Feithicle (GVW) agus leantóirí níos troime ná 3.5 tona GVW. Bhí measúnú ar na freagraí a fuarthas gar le bheith réidh faoi dheireadh na bliana.

Athbhreithniú ar Theorainneacha Meáchain do Mhótarfeithiclí agus do Leantóirí in Éirinn

Ag deireadh 2009, cuireadh síneadh leis an díolúine shealadach d'fheithiclí os cionn 42 tona go dtí an 30 Meán Fómhair, agus leanadh ar aghaidh le breithniú ar athbhreithniú an RSA ar theorainneacha meáchain sa Roinn Iompair. Chuir an RSA agusís leis an athbhreithniú maidir le cóistí chuig an Roinn Iompair i 2009.

Athbhreithniú ar Úsáid Feithiclí Talmhaíochta agus Oibre ar Bhóithre na hÉireann

I Márta 2009, chuir an RSA tuarascáil agus moltaí ar fáil a d'eascair óna n-athbhreithniú ar úsáid feithiclí talmhaíochta agus oibre ar bhóithre na hÉireann. Cuireadh é seo faoi bhráid na Roinne Iompair i gcomhair athbhreithniú. Bhí go leor suime san athbhreithniú agus sa sainchomhairliúcháin poiblí. Rinne an RSA anailís agus breithniúcháin ar na freagraí a fuarthas agus a moltaí á réiteach don Aire Iompair.

Fóram Comhairleach Teicniúil

I rith 2009, lean an Fóram Comhairleach Teicniúil ag cur comhairle ar an RSA maidir le caighdeán teicniúla amach anseo agus ábhar na dtástálacha náisiúnta carranna agus feithiclí tráchtála um ródacmhainneacht. Tá ionadaithe san Fhóram ó DIT, NCT, SIMI, Cigireacht Feithicle an RSA, Oifigigh Údaraithe Údarais Áitiúil, an Garda Síochána, oifig an Rialálaí Tacsaithe, Coiste Tástálaithe VTN, AA, Comhghrúpa Thionscal Bonn na hÉireann agus ó NSAI. Faoi dheireadh 2009, bhíothas ag dul ar aghaidh go maith le hobair ar lámhleabhair nua don NCT agus don tástáil ar Fheithiclí Earraí Troma (HGV).

Tástáil Feithicle



De réir Threoir 2009/40/CE, caithfidh Ballstáit an Aontais Eorpaigh socruithe bheith i bhfeidhm acu chun tástáil éigeantach thréimhsiúil a ródacmhainneachta a dhéanamh ar mhótarfeithiclí agus ar leantóirí atá cláraithe leo. Ón 13 Meán Fómhair 2006, tá freagracht ar an RSA i dtaobh tástáil feithicle, lena n-áirítear oibriocht an chonartha do thástáil náisiúnta carranna.



NCTS

Chuir an National Car Testing Service Ltd (NCTS) ar fáil in Éirinn ó Eanáir 2000 go Nollaig 2009. Bhí an t-oibreoir faoi chonradh don RSA le réimse caighdeán feidhmíochta a shásamh don NCT lena n-áirítear seirbhís do chustaiméirí, áitribh, tástáil trealaimh, foireann, socruithe tástála, áiseanna bainistíochta and bainistiú teicneolaíocht faisnéise. Tá na caighdeán feidhmíochta deartha lena chinntiú go bhfuil na tástálacha slán agus go bhfuil ardleibhéal seirbhíse do chustaiméirí ann. Faigheann an RSA cúnamh ó Chonraitheoir Maoirseoireachta Seirbhísí (SSC) chun maoirsiú agus monatóireacht a dhéanamh ar fheidhmíocht an NCTS lena chinntiú go bhfuil an tseirbhís tástála carranna á cur ar fáil aige de réir théarmaí an chonartha idir an Chuideachta agus an RSA.

I 2009, bhí 44 ionad tástála 'National Car Testing Service Ltd' sa tír agus ionad amháin ar a laghad i ngach contae. Lonnaíodh na hionaid chun go mbeadh 90% ar a laghad de thiománaithe laistigh de 30 míle ón ionad is gaire.

Conradh NCTS 2010 go 2019

Tar éis próiseas tairisceana soláthair in 2008, bhronn an RSA an conradh chun an tSeirbhís Náisiúnta Tástála Carranna a sholáthar ó 2010 go 2019 ar 'Applus+ Servicios Tecnológicos' (Applus+). Is cuideachta ceannaireachta atá in Applus+ i dtástáil, i dteastasú agus i seirbhísí teicneolaíochta. D'oibrigh an RSA leis an gconraitheoir a bhí ann agus leis an gconraitheoir nua i rith 2009 lena chinntiú go n-aistreofaí an tseirbhís chuig an gconraitheoir nua in Eanáir 2010 gan aon fhadhb agus chun aon chur isteach ar an tseirbhís a íoslaghdú. Ba iad na príomh-shaincheisteanna a bainistíodh i rith 2009 aistriú 44 ionad tástála agus os cionn 500 ball foirne mar aon lena chinntiú go raibh córais i bhfeidhm i gcomhair tástála agus áirithinte. B'éigean don chonraitheoir nua dhá ionad nua tástála a chur ar fáil chomh maith ag Carn Domhnach, Contae Dhún na nGall agus ag na Glaschnoic, Tamhlacht, Contae Bhaile Átha Cliath. Thosaigh Applus+ ar an NCTS ar an 4 Eanáir 2010.

Tástáil NCT

Tar éis sainchomhairliúchán poiblí in 2009, mhol an RSA go gcuirfí roinnt míreanna nua tástála leis an NCT ón 1 Aibreán 2010. Áirítear leis na míreanna nua, a shínigh an tAire i ndlí i Nollaig 2009:

- Teimhneacht an ghaothscátha agus na bhfuinneog tosaigh agus taoibh;
- Lampa ceo cúil;
- Lampa cúlaithe;
- Boinn-E nó marc e ag teastáil;
- Táscairí mífheidhme d'Aermhálai, do Chórais Leictreonacha Rialaithe Chobhsaíochta (ESC) agus do Chórais Choscánaithe Leictreonaigh (EBS) / Córas Coscánaithe Frithghlasála (ABS);
- Lampa ós cionn an phláta cláraithe cúil;
- Torann ó sceithphíopa feithicle.

Líon na dtástálacha a rinne an NCTS

Ar an 13 Aibreán 2009, d'fhógair an tAire Iompair go mbeadh suas le cúig phointe pionóis i gceist dá gciontófaí duine de bharr nach raibh Teastas NCT bailí ar taispeáint acu. Bhí éileamh nach bhfacthas cheana ann de bharr na fógartha seo agus rinneadh 864,499 tástáil iomlán i 2009. Meastar gur cheart go mbeadh tástáil déanta in 2008 ar timpeall 80,000 feithicil a chur tástáil in áirithe tar éis Aibreán 2009. Ba cheart go ndéanfaí tástáil ar 5,500 eile in 2007. D'éirigh go maith leis an bhfógairt chun líon mór feithicil, a raibh teastais ródacmhainneachta in éag orthu, a thabhairt ar ais sa chóras tástála.

I láthair na huaire, caithfidh carranna dul faoi thástáil ródacmhainneachta nuair atá siad ceithre bliana d'aois agus gach dhá bhliain ina dhiaidh sin. Tá tástáil bhliantúil le tabhairt isteach i Meitheamh 2011 le haghaidh carranna atá níos sine ná 10 mbliana d'aois.

- In 2007, tugadh faoi 686,705 tástáil iomlán lenar bhain pasráta 51.8%, agus tugadh faoi 330,997 atástáil lenar bhain pasráta 86.3%.
- In 2008, tugadh faoi 835,802 tástáil iomlán lenar bhain pasráta 51.9%, agus tugadh faoi 402,125 atástáil lenar bhain pasráta 86.8%.
- In 2009, tugadh faoi 864,499 tástáil iomlán lenar bhain pasráta 51.5%, agus tugadh faoi 367,467 atástáil lenar bhain pasráta 90.7%.

Tástáil Feithicilí Tráchtála

Déanann os cionn 147 ionad príobháideach tástála, a cheapann agus a mhaoirsíonn Údarás Áitiúla, tástáil bhliantúil ar fheithicilí tráchtála in Éirinn. De réir tuairiscí a rinne na hionaid tástála don RSA, rinneadh 119,278 tástáil ar Fheithicilí Earraí Troma (ardú 10% ó 2008) agus 382,751 tástáil ar Fheithicilí Earraí Éadroma (ardú 21% ar 2008) i 2009.

I 2009, thug Cigirí Feithicle an RSA cuairt ar 257 ionad tástála um Ghréasáin Tástála Feithicle chun athbhreithniú a dhéanamh ar chloí le caighdeáin ionad tástála d'fheithicilí tráchtála agus comhsheasmhacht tástála. Cuireadh aon saincheisteanna a ardaíodh faoi bhráid na nÚdarás Áitiúil atá freagrach as ceadúnú agus as maoirsiú na n-ionad tástála d'fheithicilí tráchtála.

Seiceáil ar thaobh an bhóthair ar ródacmhainneacht feithicilí tráchtála

Tá an Garda Síochána freagrach as ródacmhainneacht feithicilí tráchtála a fhorfheidhmiú ar thaobh an bhóthair. Tacaíonn an RSA leo san fheidhm seo. Ghlac Cigirí Feithicle an RSA páirt i 299 seic ar thaobh an bhóthair i 2009 a léiríonn ardú os cionn 30% ó 2008. Rinneadh tástálacha ar thaobh an bhóthair ar 2,585 trucail agus bus agus léirigh na tástálacha seo go raibh locht ag baint le 1,147 feithicil. De na feithicilí a ndearnadh Cigirí Feithicle an RSA cigireacht orthu, bhí lochtanna soilsithe/marcála ar 21%, lochtanna coscánaithe ar 17% agus rothaí/boinn lochtacha ar 12% díobh.

Tuarascálacha ó Bhallstáit eile de chuid an AE maidir le feithicilí tráchtála na hÉireann

I rith 2009, fuair an RSA tuarascálacha ó 'Vehicle Operator Standards Agency' (VOSA) sa Ríocht Aontaithe (RA) gur stopadh 5,338 feithicil Éireannach tráchtála san RA a raibh locht feithicle orthu agus go raibh locht tromchúiseach ar 29% díobh. Ba leantóirí os cionn 57% de na feithicilí lochtacha a thuiriscigh an VOSA agus bhí 28% de na lochtanna leantóra tromchúiseach. In 2009, thaifead an RSA na tuarascálacha ar fad a fuair siad agus rinne siad athbhreithniú orthu. I gcás lochtanna tromchúiseacha feithicle, rinneadh teagmháil le hoibreoirí trí litir a sheoladh chucu agus iarradh orthu sonraí a chur ar aghaidh maidir leis an obair leasaithe ar fad a rinneadh.

Clár um Oibreoirí Cothabhála

I 2009, thosaigh an RSA clár píolótach um oibreoirí cothabhála agus é mar aidhm acu an tábhacht agus na tairbhí a bhainfidh oibreoirí as córas cothabhála feithicle éifeachtach a bheith acu a ardú. Thug Cigirí Feithicle RSA cuairt ar roinnt oibreoirí chun measúnú a dhéanamh ar a gcórais chothabhála agus comhairle a thabhairt maidir le feabhsúcháin. Tá go leor de na gnéithe a bhaineann le córas éifeachtach cothabhála coisc simplí, saor agus ciallmhar agus gnéithe iad ar féidir le gach oibreoir a chur i bhfeidhm go héasca. Tá go leor tairbhí chomh maith ag baint le córas éifeachtach cothabhála feithicle bheith i bhfeidhm lena n-áirítear sásamh ardaithe custaiméara, níos lú briseadh síos feithicilí, costais laghdaithe chothabhála agus sábháilteacht ardaithe ar bhóithre do gach úsáideoir bóithre. D'fhéadfadh tiománaí formhór na lochtanna a aimsíodh ar thaobh an bhóthair a aimsiú é/í féin ach siúl timpeall ar an bhfeithicil agus d'fhéadfaí iad a cheartú go héasca sular cuireadh an feithicil ar an mbóthar. Ag deireadh 2009, bhí an RSA ag forbairt treorach chun feithicilí tráchtála a choinneáil ródacmhainneach agus beidh sé ar fáil in 2010.





RÁTAÍ PAS AGUS TEIPE, IONAD AR IONAD 2007

Líon Iomlán	Ionad Tástála (An Chéad Tástáil)	Pas (An Chéad Tástáil)	Teip (I ndiaidh na hAtástála)	Pas (I ndiaidh na hAtástála)	Teip nó Níor Tháinig de Phasanna	Líon Iomlán na gCarranna a Tástáladh
Mainistir na Féile	5,265	4,311	3,906	405	9,171	9,576
An tInbhear Mór	6,468	7,395	6,427	968	12,895	13,863
Baile Átha Luain	6,855	6,245	5,347	898	12,202	13,100
Béal an Átha	4,652	5,016	4,435	581	9,087	9,668
An Bhlarina	14,099	11,415	9,850	1,565	23,949	25,514
An Doire Beag	1,506	1,568	1,475	93	2,981	3,074
Gráinseach an Déin	38,664	31,165	27,608	3,557	66,272	69,829
Cahir	8,825	7,515	6,522	993	15,347	16,340
Cathair Saibhín	1,118	776	718	58	1,836	1,894
Ceatharlach	8,726	8,867	7,532	1,335	16,258	17,593
Cora Droma						
Rúisc	4,322	4,443	3,974	469	8,296	8,765
An Caisleán Riabhach	4,673	4,237	3,597	640	8,270	8,910
An Cabhán	4,240	4,680	4,018	662	8,258	8,920
An Ráth	5,988	4,388	3,928	460	9,916	10,376
An Clochán	1,078	1,294	1,069	225	2,147	2,372
Corcaigh	22,562	18,719	16,676	2,043	39,238	41,281
An Pointe Thuaidh	48,787	48,690	41,918	6,772	90,705	97,477
Cnoc an Fhuaráin	36,840	36,900	32,000	4,900	68,840	73,740
Dún na nGall	4,305	2,837	2,593	244	6,898	7,142
Droichead Átha	10,300	8,530	7,339	1,191	17,639	18,830
Dún Dealgan	6,064	5,306	4,671	635	10,735	11,370
Inis	9,142	9,751	8,382	1,369	17,524	18,893
Inis Córthaidh	10,450	10,816	9,187	1,629	19,637	21,266
Gaillimh	18,791	19,333	16,728	2,605	35,519	38,124
Cill Chainnigh	9,016	6,286	5,298	988	14,314	15,302
Cill Airne	6,237	5,096	4,502	594	10,739	11,333
Leitir Ceanainn	8,884	8,771	7,784	987	16,668	17,655
Luimneach	18,298	16,189	14,352	1,837	32,650	34,487
An Longfort	4,431	4,334	3,606	728	8,037	8,765
Maigh Chromtha	5,583	4,650	4,189	461	9,772	10,233
Muineachán	3,890	4,011	3,582	429	7,472	7,901
An Muileann gCearr	5,327	5,229	4,215	1,014	9,542	10,556
Ceanannas	9,598	9,425	7,940	1,485	17,538	19,023
An tAonach	8,692	7,608	6,791	817	15,483	16,300
An Nás	13,518	13,923	11,654	2,269	25,172	27,441
Port Laoise	6,669	6,592	5,462	1,130	12,131	13,261
An Sciobairín	5,703	4,863	4,363	500	10,066	10,566
Sligeach	5,004	6,587	5,580	1,007	10,584	11,591
Trá Lí	8,075	6,336	5,656	680	13,731	14,411
Tulach Mhór	5,474	5,802	4,851	951	10,325	11,276
Port Láirge	12,498	10,947	9,558	1,389	22,056	23,445
Cathair na Mart	7,806	6,854	5,958	896	13,764	14,660
Eochaill	5,254	4,425	3,984	441	9,238	9,679
Iomlán	433,677	402,125	349,225	52,900	782,902	835,802
	51.89%	48.11%	90.81%	6.33%	93.67%	100%

Ceadúnais do ghluaiseacht Ualaí Leathana/Fada

Caithfidh aon oibreoir ar mian leis feithicil nó ualach a iompar atá taobh amuigh de theorainneacha a cheadaítear sa Rialachán um Thrácht ar Bhóithre (Trealamh Tógála & a Úsáid) 2003, S.I. Uimh. 5 de 2003 iarratas a dhéanamh ar cheadúnas chun an t-ualach a bhogadh.

Tugadh isteach córas nua sruthlíneach chun ceadúnais speisialta a eisiúint maidir le gluaiseacht ualaí fada leathana ar bhealaí ar leith an 4 Bealtaine 2009. Riarann an Garda Síochána an córas nua agus baineann sé le gluaiseacht feithicil leathana agus fada (lena n-áirítear ualaí) níos giorra ná 27.4 méadar ar fad agus 4.3 méadar ar leithead ar mhórbhealaí idiruirbeacha agus chuig calafoirt Chorcaí, Rinn an Scidígh agus Ros Láir.

Tá meas leanúnach á dhéanamh ar bhealaí eile le cur sa scéim. Caithfidh an tÚdarás um Bóithre Náisiúnta suirbhéireacht a dhéanamh ar gach bhealach sular féidir iad a chur ar an liosta bealaí sainithe. Chuirfeadh na suirbhéanna seo gnéithe san áireamh cosúil le droichid, ceansú tráchta, leagan amach baile agus cúinsí pobail áitiúla eile.

Is féidir liosta cothrom le dáta de na bealaí a fheiceáil ar láithreáin ghréasáin an RSA agus an Gharda Síochána ag www.rsa.ie agus www.garda.ie

Leanann na hÚdaráis Áitiúla orthu bheith freagrach as iarratais ar cheadúnais speisialta maidir le bealaí náisiúnta nach gclúdaíonn an Rialachán mar aon le bóithre nach bealaí náisiúnta iad agus ualaí mhírialta eile.

Forfheidhmiú Tarlú Bóthair agus Tacagraif Dhigitigh

Is é ról na Rannóige um Forfheidhmiúchán agus Tacagraif Digiteach seo:

- reachtaíocht AE agus náisiúnta um iompar ar bhóithre a fhorfheidhmiú i dtaobh tacagraif, rialacha AE um uaireanta tiomána, Rialachán um Am Oibre Iompair ar Bhóithre agus ceadúnú oibreoirí tarlú bóthair agus paisinéara chun dul i ngleic le hoibríochtaí fostaithe agus luaíochta.
- scéim eisiúna Cárta Tacagraif Dhigitigh a riaradh ar son an Stáit.



Gníomhaíocht in 2009

Ba bhliain ghnóthach agus dhúshlánach eile a bhí in 2009 don Rannóg um Forfheidhmiúchán agus Tacagraif Digiteach in aghaidh chúlra na ndroch-choinníollacha geilleagracha don gheilleagar náisiúnta agus don tionscal iompar ar bhóithre.

Áiríodh i measc mórforbairtí i rith 2009:

- Cuireadh seirbhísí ionadaíochta dlí i bhfeidhm ar fud an Stáit sa ráithe dheireanach chun an RSA a chumasú chun ionchúisimh a thógáil i gcomhair sáruihte reachtaíochta a bhaineann le hamanna tiomána, bristeacha agus tréimhse sosa, tacagraif, Am Oibre agus le ceadúnú oibreora;
- Cur chuige sprioc-dhírthe i dtaobh forfheidhmiú ag díriú ar oibreoirí neamh-chomhlíontacha a fhaigheann tacaíocht ó chlár riosca a thabhairt isteach;
- Foilsiú pleanálaí balla 2010 d'Oibreoirí Feithicle Tráchtála;
- Sainchomhairliúchán ar thograí an Choimisiúin chun an Treoir um Am Oibre Iompair ar Bhóithre a leasú agus an tuarascáil a cuireadh faoi bhráid na Roinne Iompair;
- Leanúint ag díriú ar éifeachtacht oibríochtaí;
- Eisíodh 9,036 cárta tacagraif dhigitigh i rith na bliana;
- Ghlac pearsanra an RSA páirt i gcruinnithe idirnáisiúnta ar fhorbairt agus ar fhorfheidhmiú beartais maidir le huairteanta tiománaithe agus tacagraif, mar aon le roinnt Clár Malartaithe AE ar ionramháil agus calaois tacagraif dhigitigh.

I rith 2009, d'ardaigh an RSA a réimse seirbhísí oideachasúla agus comhairleacha don tionscal, ag cuidiú leo bheith comhlíontach agus fanacht mar sin. Tá oibreoirí bus agus trucaile agus tiománaithe ann fós, áfach, a cuireann sábháilteacht ar bhóithre i mbaol trí leanúint leo go neamhchomhlíontach.

Bhí ardú suntasach chomh maith i ngníomhaíocht forfheidhmithe i rith 2009, ag tógáil ar an dul chun cinn a baineadh amach in 2008.

Ghlac Oifigigh Iompair RSA páirt i 318 seic ar thaobh an bhóthair in 2009 leis an nGarda Síochána. Cuirtear é seo i gcomparáid le 254 seic ar thaobh an bhóthair i rith 2008.

Rinne Oifigigh Iompair 1,146 seic ar áitreabh i rith 2009, ardú 31% ar sheiceanna 2008.

In 2009, ghlac an RSA páirt i seicphointí comhordaithe ag Calafort Bhaile Átha Cliath agus ag pointí trasnaithe teorann, a raibh baint teagmháil leis na hÚdaráis sa RA leo. Bhain líon suntasach de na cionta a aimsíodh leis an iomarca tiomána agus easpa bristeacha agus sosanna laethúla.



Tá sé i gceist ag an iarracht forfheidhmithe chomhordaithe:

- Príomhriachtanais reachtaíochta um shábháilteacht ar bhóithre a fhorfheidhmiú ag pointí straitéiseacha den ghréasán iompar bóithre in aice le calafoirt agus ag pointí trasnaithe teorann;
- Feidhmíocht um shábháilteacht ar bhóithre an tionscail iompar bóithre a bhaineann le turais trasteorann a leanúint;
- Monatóireacht a dhéanamh ar éifeachtacht na ngníomhaíochtaí forfheidhmithe;
- Feasacht a ardú ar rialacha maidir le hamanna tiomána, le bristeacha agus le tréimhsí sosa, mar aon le riachtanais tacagraif;
- Tiománaithe nach bhfuil sábháilte a bhaint de na bóithre trí thoirmisc.
- Úsáid acmhainní a bhreisiú agus bacadh a ardú.

Gnéithe Straitéiseacha

Is é aidhm straitéis forfheidhmithe an RSA comhlíonadh oibreoirí le reachtaíocht um iompar ar bhóithre AE agus náisiúnta a bhaineann le sábháilteacht ar bhóithre a fheabhsú agus dá bhrí sin cur le misean RSA chun saol daoine ar an mbóthar a shábháil. Tá an straitéis seo faoi athbhreithniú leanúnach. Tá sé i gceist leis an gcur chuige forfheidhmithe sábháilteacht ar bhóithre a ardú trí chomhlíonadh oibreoirí agus tiománaithe le rialacha maidir le hamanna tiomána, bristeacha agus tréimhsí sosa agus le riachtanais tacagraif a fheabhsú. Rialaítear uaireanta oibre agus sosa tiománaithe chun tuirse tiománaí a sheachaint. Cuireann tuirse tiománaí isteach ar fheidhmíocht chognaíoch agus mhótair tiománaí trí amanna freagartha a mhoilliú, trí aird ar an timpeallacht sheachtrach tiomána a laghdú agus trí chur isteach ar scileanna tiomána.

Tá an reachtaíocht ar cheadúnú oibreora a fhorfheidhmiú ina phríomhghné den réimse reachtaíochta atá á fhorfheidhmiú ag an RSA. Tá oiliúint phearsanra forfheidhmithe ar riachtanais nua dlí agus dea-chleachtas maidir le forfheidhmiú ina thosaíocht don RSA.

I rith 2009, láidrighe an RSA a chaidreamh láidir oibre leis an

nGarda Síochána maidir le gníomhaíochtaí forfheidhmithe um iompar ar bhóithre. Dírionn an straitéis fhoriomlán a cuireadh i bhfeidhm maidir le seiceanna ar iarrachtaí forfheidhmithe ar oibreoirí neamhchomhlíontacha agus ag an am céanna ag íoslaghdú an mhíchaoithiúlacht d'oibreoirí atá géilliúil don dlí.

Déileálann Treoir AE 2006/22/EC le forfheidhmiú tacagraif agus rialacha um uaireanta tiománaithe agus tá sé d'oibleagáid ar Bhallstáit íosmhéid seiceanna ar thaobh an bhóthair agus seiceanna áitreabh a dhéanamh. Léiríonn sonraí sealadacha go rachaidh an Stát thar an sprioc iomlán do 2009. Éilíonn sé chomh maith go bhforbróidh Ballstáit córas rátála riosca do ghnóthais iompair bunaithe ar an líon coibhneasta agus ar dhéine aon sárúithe ar na rialacháin um uaireanta tiomána agus tacagraif atá déanta ag gnóthas aonair. Rangaítear oibreoirí rátáilte de réir córas cód dathanna – Dearg, Ómra, Glas – a dhéanann ionadaíocht ar bhaol “An-tromchúiseach” “Tromchúiseach” agus “Mion”, faoi seach – ar bhonn a bhfeidhmíocht chomhlíonta choibhneasta. Beidh oibreoirí a bhfuil rátáil ardriosca acu faoi réir ag seiceanna níos minice agus níos déine ar an áitreabh agus ag seiceanna ar thaobh an bhóthair. Tá córas riosca den chineál seo forbartha ag an RSA agus déanfar tuilleadh forbartha air in 2010.

Tá na bearta éagsúla forfheidhmithe, oideachasúla agus comhairleacha atá á gcur i bhfeidhm ag an RSA deartha chun cloí le spriocanna na Straitéise um Shábháilteacht ar Bhóithre 2007-2012.

Forbairtí Reachtaíochta

Thosaigh obair ar Choinníollacha Oibre na gComhphobal Eorpach agus an Rialachán um Shábháilteacht ar Bhóithre 2008 a uasdátú i 2009 agus tá sé fós ar siúl. Chuir an RSA tús chomh maith le forálacha nua dlí a dhréachtú chun éifeacht a thabhairt do Threoracha AE 4 agus 5 de 2009 a bhaineann le gníomhaíochtaí forfheidhmiúcháin a dhéanamh maidir le rialú uaireanta tiománaithe agus tacagraif. Ina theannta sin, réitigh an RSA, i gcomhar leis an nGarda Síochána, forálacha nua dlí chun foirm aonair thuarascála a bhunú le húsáid ag baill den Gharda Síochána chun gníomhaíochtaí forfheidhmithe a bhaineann le

tacagraf, le huaireanta tiománaithe agus le seiceanna teicniúla ar thaobh an bhóthair a thaifeadadh. Chuir an RSA tograí isteach chomh maith d'fhorálacha nua dlí chun foráil a dhéanamh do chomhaitheantas ar dhíolúintí tacagraif a bheidh i bhfeidhm in Éirinn, sa RA agus i dTuaisceart Éireann. Anuas air sin, bhí an RSA i dteagmháil leis an Roinn Iompair i dtaca le forbairt córas pionóis socraithe maidir le cionta a bhaineann le hiompar bóthair agus na saincheisteanna dlí casta lena mbaineann a gcaithfear dul i ngleic leo sular gcuirfear aon chóras dá leithéid i bhfeidhm.

Tuarascálacha ó Bhallstáit eile

Fuarthas tuarascálacha ó Bhallstáit eile a bhain le sárúithe tiománaithe maidir le tacagraf agus le rialacha uaireanta tiománaithe agus iad ag feidhmiú sna Stáit sin. Taifeadtar an fhaisnéis seo agus úsáidtear í le díriú ar oibreoirí. Fuarthas tuarascálacha maidir le 2,541 tiománaí – i gcomparáid le 2,309 tiománaí i 2008. Fuarthas formhór na dtuarascálacha seo ón 'Vehicle Operator Standards Agency' (VOSA) sa Ríocht Aontaithe. Úsáidtear an fhaisnéis seo chun críocha rátáil riosca.

Scéim Tacagraif Dhigitigh

I rith 2009, eisíodh 9,036 cárta tacagraif dhigitigh d'iarratasóirí, i gcomparáid le 12,799 in 2008.



Athbhreithniú ar an Scéim Tacagraif Dhigitigh

I 2009, chuir an RSA tús le hathbhreithniú ar roghanna do riarachán na scéime tacagraif dhigitigh lena n-áirítear forbairt córas iarratais ar líne agus seachfhoinsíú an riaracháin do thríú páirtí.



Seirbhísí Corparáideacha

Cuireann an Stiúrthóireacht Seirbhísí Corparáideacha na córais agus na struchtúir ar fáil a chumasaíonn an RSA na feidhmeanna a thugann an tAire lompair dóibh a sheachadadh go héifeachtach, faoin Acht fán Údarás um Shábháilteacht ar Bhóithre 2006. I measc feidhmeanna Seirbhísí Corparáideacha, arna leagan amach thíos, tá:

- Airgeadas
- Acmhainní Daonna
- Teicneolaíocht Faisnéise
- Cúram d'Ardchaighdeán do Chustaiméirí
- Bainistiú Eastáit
- Cumarsáid

Tá Seirbhísí Corparáideacha freagrach chomh maith as pleanáil gnó agus eagraíochtúil agus rialachas corparáideach, lena n-áirítear iniúchtaí inmheánacha.

RIALACHAS CORPARÁIDEACH

Tá an RSA tiomanta do na caighdeáin is airde rialachais chorparáidigh a chothabháil mar chuid d'fhorfheidhmiú leanúnach an Chóid Chleachtais do Rialachas Comhlachtaí Stáit. I 2009, reáchtáil Bord an RSA deich gcruinniú agus reáchtáil an Coiste Iniúcháireachta Inmheánaí cúig chruinniú. Aontaíodh an Coiste Iniúcháireachta Inmheánaí agus Bord an RSA Plean Iniúchta Inmheánaí, ag clúdach tréimhse 2009. Chuir Iniúcháirí Inmheánacha an RSA (Mazars) an plean i bhfeidhm agus rinne siad tuairisciú air.

Acmhainní Daonna

Tá an RSA tiomanta do chaidrimh oscailte, macánta agus táirgiúla lena bhfostaithe. Forbraíodh lámhleabhar don fhoireann, a leagann amach tacaíocht an RSA dá ndaoine agus a gcur chuige ina leith. Tá beartais Acmhainní Daonna curtha chuig ceardchumann agus sainíonn siad seo mar aon le nósanna imeachta bainistithe Acmhainní Daonna cur chuige an RSA i leith cumarsáid foirne, rannpháirtíochta ag gach leibhéal, cinnireachta agus caighdeán a bhfuiltear ag súil leo.

Tá sé tábhachtach go spreagann agus go gcothabhálann Acmhainní Daonna cumarsáid agus sainchomhairliúcháin idir fostaithe agus an lucht bainistíochta. Leanann Acmhainní Daonna ag tacú leis an bpríomhchaidreamh agus freagracht dó seo agus á spreagadh, trí chaidreamh an fhostaí agus a m(h)aoirseora nó c(h)eanaire foirne. Cuireann Cruinnithe IRC, Comhpháirtíocht agus bearta eile bealach éifeachtach ar fáil chun fostaithe a chur ar an eolas maidir le saincheisteanna tábhachtacha, cosúil leis an Straitéis um Shábháilteacht ar Bhóithre, feidhmíocht, Sláinte agus Sábháilteacht agus ceisteanna timpeallachta feidhmíochta eile.

Bhí spriocanna 2009 i bhfeidhm lena chinntiú gur shásaigh an RSA a riachtanais reachtúla agus iniúchta chun monatóireacht a dhéanamh ar fheidhmíocht eagraíochtúil agus aonair, trí mheastóireacht agus athbhreithniú rialta in aghaidh caighdeáin dea-chleachtais.

Tá obair na Roinne Acmhainní Daonna leagtha amach le tacú leo siúd atá freagrach as bainistiú laethúil ar fud na coda eile den RSA. I 2009, díriodh ar bhainistiú feidhmíochta, ar bhainistiú freastail agus ar bhreiseoilíúint foirne le dul i ngleic le dúshláin na heagraíochta.

I rith 2009, ghlac an Roinn le dearcadh athnuaite ar bhainistiú freastail agus saoire bhreitheachta. Cuireadh oiliúint ar na bainisteoirí ar fad lena chinntiú go mbeadh cur chuige comhsheasmhach ann agus chun cultúr dearfach freastail a spreagadh ag gach leibhéal agus i ngach páirt den eagraíocht.

Bhí 314 ball foirne fostaithe an 31 Nollaig 2009, arbh ionann é agus Coibhéis Lánama (WTE) de 300.

Comhionannas Fostaíochta

Tá an RSA comhlíontach leis na hAchtanna um Chomhionannas Fostaíochta 1998-2004 agus le gach reachtaíocht infheidhmithe fostaíochta eile. Tá nósanna imeachta i bhfeidhm ag an RSA lena chinntiú nach ndéanfar aon idirdhealú mídhleathach, díreach nó indíreach.

Rinneadh athbhreithniú ar gach beartas acmhainní daonna agus pléadh 18 bpríomhbheartas leis an IRC. Críochnaíodh agus forfheidhmíodh cáipéisí nósanna imeachta acmhainní daonna.

Comhpháirtíocht

Tá ról tábhachtach ag grúpa Comhpháirtíochta an RSA sa phróiseas cinnteoireachta laistigh den eagraíocht.

Tá an RSA / Comhpháirtíocht Chomhghuaillíochta Cheardchumann frémhaithe i gcomhthéacs na gComhaontuithe Náisiúnta Pá i measc na gcomhpháirtithe sóisialta (an Rialtas, ICTU agus IBEC).

Tugann comhpháirtíocht an Lucht Bainistíochta agus Comhghuaillíocht na gCeardchumann le chéile chun tuiscint a thógáil ar shuímeanna a chéile agus chun réitigh ar aon fhadhbanna a fhorbairt le chéile. Meastar gach duine bheith ar comhcheim ag an mbord agus spreagtar rannpháirtíocht agus idirghníomhaíocht. Tá éascaitheoir neamhspleách ina c(h)athaoirleach ar gach cruinniú de chuid na Comhpháirtíochta.

Ó bunaíodh í, tá an Chomhpháirtíocht fásta in éifeachtúlacht agus in éifeachtacht. Bíonn na cruinnithe ar siúl gach mí, ag a ndéanann Bainisteoirí Sinsearach tuairisciú ar réimse fairsing saincheisteanna. Freastalaíonn Stiúrthóir ar na cruinnithe chomh mhaith chun eolas cothrom le dáta a thabhairt maidir le cúrsaí gnó.

Réitíodh saincheisteanna go rathúil trí Chomhpháirtíocht, agus dá bhrí sin ní bhíonn gá an Chomhairle Chaidreamh Tionsclaíoch (IRC) a thabhairt isteach.

Úsáideann Comhpháirtíocht struchtúir fochoiste nuair a theastaíonn siad chun iniúchadh a dhéanamh ar shaincheisteanna a ardaítear agus chun cumarsáid a dhéanamh le fostaithe an RSA.

Tá oiliúint faighte ag rannpháirtithe sna scileanna riachtanacha do Chomhpháirtíocht, cosúil le:

- Cumarsáid
- Dialóg
- Cinnteoireacht
- Bainistiú coimhlinte
- Réiteach fadhbanna bunaithe ar shuímeanna
- Forbairt ghrúpa
- Ag bainistiú athrú agus aistriú

I measc roinnt de na topaicí ar dhéileáil an Chomhpháirtíochta leo go rathúil i 2009 tá:

Plean Gnó an RSA

Cuireadh Plean Gnó an RSA faoi bhráid na Comhpháirtíochta chun é a phlé.

Cóiríocht Foirne

Rinne fochoiste na Comhpháirtíochta teagmháil leis an Lucht Bainistíochta ar gach gné den chóiríocht.

Sláinte & Sábháilteacht

Cuireadh tuarascálacha Sláinte & Sábháilteachta faoi bhráid na Comhpháirtíochta go rialta. Cumarsáid Inmheánach

Lean Comhpháirtíocht ar aghaidh bheith páirteach i nuachtlitir ráithiúil an RSA agus sa Scéim Mholtaí i 2009.

Teicneolaíocht Faisnéise (IT)

Rinneadh plé ar go leor topaicí a bhaineann le IT i rith na bliana, lena n-áirítear céimeanna éagsúla den Chóras nua Iarratais ar Thástáil Tiománaithe.

Club Spóirt agus Sóisialta

I 2009, bhí Club Spóirt agus Sóisialta an RSA an-ghníomhach i ngníomhaíochtaí spóirt agus sóisialta (fochoiste de chuid na Comhpháirtíochta é an Club).

Saincheisteanna Buiséid

Cuireadh tuarascálacha maidir le maoiniú an RSA faoi bhráid an choiste ag tréimhsí rialta.

An Próiseas Comhpháirtíochta

Pléadh go rialta baint na Comhpháirtíochta leis an RSA agus an tionchar atá aige ar rith na heagraíochta.

Caidrimh Thionsclaíocha

Oibríonn an Roinn Acmhainní Daonna leis na Ceardchumainn agus le hionadaithe foirne chun dea-chaidrimh oibre a bhaint amach agus tá sí tiomanta le chur chun cinn timpeallacht dhea-Chaidreamh Tionsclaíoch tríd an gComhairle Caidreamh Tionsclaíoch (IRC). Tháinig an IRC le chéile faoi dhó i 2009 agus bhí roinnt comhchruinnithe aige le roinnt ceardchumainn aonair. Tá ardleibhéal idirghníomhaíochta leanúnaí ag an RSA le hionadaithe foirne ag leibhéil áitiúla.

An tAcht um Míchumas 2005, Cuid 5 Tuairiscíú

Amhail an 31 Nollaig 2005, b'ionann an líon daoine faoi mhíchumas fostaithe ag an RSA agus 2.6% dá bhfoireann iomlán.

Léirigh daonáireamh, a rinneadh ar aon dul le treoirlínte an Údaráis Náisiúnta Míchumais (NDA), go raibh an RSA beagán faoin riachtanas 3% do dhaoine faoi mhíchumas a fhostú, arna leagan amach i gCuid 5 den Acht um Míchumas 2005.

Áiríodh i measc gníomhartha ina dhiaidh sin athbhreithniú ar chleachtas, ar nósanna imeachta agus ar chomhlíonadh an Chóid chuí Chleachtais (Cód Cleachtais um Fhostú Daoine faoi Míchumas i Státseirbhís na hÉireann).

Léirigh na torthaí:

Líon Iomlán Fostaithe	314 (líon daoine)
Suirbhéanna a fuarthas ar ais	246
Daoine faoi Míchumas	8
Is ionann céatadán d'fhoireann an RSA atá faoi mhíchumas mar a leagadh amach sa daonáireamh agus	2.6% de líon iomlán na bhfostaithe

Oiliúint agus Forbairt

Déanann an RSA iarracht:

- Bheith mar an chomhlacht phoiblí is fearr in Éirinn;
- Básanna bóthair agus gortuithe tromchúiseacha a laghdú go leanúnach;
- Bheith mar an fostóir is fearr agus an luach is fearr ar airgead a chur ar fáil;
- Meas bheith ar an RSA ina réimse oibre, ag léiriú sláine, muinín agus creidiúnachta ina n-oibríochtaí ar fad.

Tá críoch curtha le lámhleabhar foirne agus é mar aidhm an fhoireann a chur ar an eolas maidir le bealaí oibre an RSA. Leagann an lámhleabhar amach ionchais gach fostaí, mar aon le rialacha agus rialacháin.

Dearadh oiliúint bainistíochta a tharla i rith na bliana chun é seo a bhaint amach, agus cuireadh ionad oiliúna ar an RSA agus Riarachán Poiblí le croí-aonaid FETAC. Thug 26 duine ón ionad riaracháin agus maoirseoirí tástála tiománaithe faoin oiliúint seo, a thosaigh in 2008. Críochnaíodh an oiliúint go sásúil in 2009.

Chuir oiliúint chúram do chustaiméirí, scileanna scríobh gnó agus oiliúint eile le cuspóirí iomlána an RSA.

Beartas Béarla Soléite

Aimsíodh i Suirbhé Litearthachta Idirnáisiúnta i measc Daoine Fásta an OECD go bhfuil fadhbanna ag duine as gach ceathrar - timpeall leathmhilliún - fásta Éireannach, idir 16-64, le tascanna simplí litearthachta.

Mar fhreagra air seo, tá beartas Béarla Soléite curtha i bhfeidhm ag an t-Údaráis um Shábháilteacht ar Bhóithre dá mbileoga agus leabhráin faisnéise poiblí um shábháilteacht ar bhóithre.

Téann an RSA i sainchomhairliúchán leis an nGníomhaireacht Náisiúnta Litearthachta do Dhaoine Fásta (NALA) chun slán a dhéanamh de stampa formheasa 'Béarla Soléite' a fháil ar na foilseacháin seo.

Ní chuireann an "NALA" a lógó ar fáil i gcáipéisí ach amháin nuair a fhaomhann sé go bhfuil an teanga agus an leagan amach sách soiléir don léitheoir a bhfuil sé beartaithe dó/dí.





Airgeadas

Is é príomhaidhm na Rannóige Airgeadais a chinntiú go bhfuil riarachán láidir airgeadais ag an t-Údarás de réir timpeallacht láidir smachtaithe inmheánaí.

Is iad seo a leanas príomhfheidhmeanna Rannóg Airgeadais an RSA:

- Buiséadú
- Tuairisciú airgeadais
- Bainistiú iniúchtaí – inmheánach agus seachtrach
- Cothabháil Ghinearálta Mhórleabhair
- Párolla
- Taisteal agus cothabháil
- Íocaíochtaí
- Ceannach
- Bainistiú airgid agus cistíochta
- Cothabháil rialuithe inmheánacha airgeadais
- Aitheantas ioncaim d'fhoinsí ioncaim an Údaráis
- Bainistiú ar mhaoiniú an státchiste
- Bainistiú gach comhlíonta cánach ar son an Údaráis.

Ba bhliain chomhdhlúthaithe í 2009 do Rannóg Airgeadais an Údaráis agus is iad seo a leanas buaicphointí na bliana:

- Forfheidhmiú iomlán an chórais cheannaithe uathoibríoch san Údarás;
- Mionchoigeartú agus uasdhátú leanúnach ar gach rialú inmheánach airgeadais;
- Comhlánú Clár Iniúchta Inmheánaí do 2009;
- Comhlánú Iniúchadh an Ard-Reachtair Cuntas agus Ciste ar Ráiteas Airgeadais 2008 don bhliain go dtí an 31 Nollaig 2008 agus nochtadh tuairim gurbh iniúchadh glan é;
- Lean an Rannóg Airgeadais ar aghaidh agus ról ceannaireachta aici i soláthar poiblí san Údarás agus ghlac sí páirt i dtairiscintí soláthair phoiblí lena chinntiú go gcloítear le gach rialú agus rialachán soláthair phoiblí.

Teicneolaíocht Faisnéise agus Chumarsáide (ICT)


I rith 2008, bhí an Rannóg Teicneolaíochta Faisnéise agus Cumarsáide ag díriú ar chomhdhlúthú agus ar fheabhsú na seirbhíse a chuireann an RSA ar fáil do chustaiméirí taobh istigh den eagraíocht agus taobh amuigh di. Cheadaigh réitigh theicniúla a sheachadadh trí athbhreithniú agus anailís éifeachtach ar phróisis atá ann don RSA a seirbhís a fheabhsú.

Is féidir sampla maith de seo a fheiceáil sa Tástáil nua Tiománaithe agus sa Chóras Iarratais chun tacú le tástáil tiomána. Forbraíodh an córas nua gréasán-bhunaithe seo trí phróiseas lánchuimsitheach sainchomhairliúcháin. Áirítear leis na feabhsúcháin leis an gcóras nua seo an cumas chun féinsceidealú ar líne, agus ba chóir go laghdódh sé seo an ráta cealaithe agus athsceidealaithe i measc iarrthóirí don tástáil tiomána.


Tá teicneolaíocht faisnéise na heagraíochta mionathraithe ag an rannóg ICT le cloí le hathruithe sa reachtaíocht, mar shampla tabhairt isteach CPC Tiománaithe. Chuir sé seo ar chumas an RSA ceadúnais CPC Tiománaithe a eisiúint, seirbhís a leanfaidh ag fairsingiú i rith 2009. Is é láithreach ghréasáin an RSA an fhuinneog thosaigh do gach custaiméir seachtrach de chuid an RSA agus bhí an láithreán gréasáin www.rulesoftheroad.ie ar an ngearrliosta do ghradam ríomh-Rialtais in 2008.

Tá beartais agus nósanna imeachta forbartha ag foireann ICT an RSA mar iarracht cultúr “is fearr sa réimse” a thiomáint chun an eagraíocht a chumasú chun na príomhaidhmeanna agus cuspoirí a sheachadadh.

Staitisticí



Is iarratais ar líne atá i 60% de na hiarratais anois.



Tá beartais agus nósanna imeachta forbartha ag foireann ICT an RSA mar iarracht cultúr “is fearr sa réimse” a thiomáint chun an eagraíocht a chumasú chun na príomhaidhmeanna agus cuspóirí a sheachadadh.

Bainistiú Eastáit

Ceanncheathrú Corparáideach



Tá láithreacht ag an RSA i níos mó ná 50 ionad ar fud na tíre. Áirítear anseo a cheanncheathrú i mBéal an Átha, fo-oifig i mBaile Locha Riach agus ionaid tástála tiomána ag suíomhanna éagsúla ar fud na tíre. Úsáideann an RSA seirbhísí Oifig na nOibreacha Poiblí (OPW) a bhainistíonn, trína Seirbhísí Bainistithe Maoine agus Cothabhála Maoine, soláthar agus cothabháil chóiríocht oifige do Ranna, d'Oifigí agus do Ghníomhaireachtaí Rialtais.

Tá bail agus oiriúnacht leanúnach na n-ionad tástála tiomána faoi athbhreithniú seasta agus tá an RSA i gcainteanna leanúnacha leis an OPW maidir le cothabháil agus athchur, más cuí, ionaid tástála tiomána. I rith 2009, osclaíodh dhá Ionad nua Tástála Tiomána – ceann i gCill Airne, Contae

Chiarraí ar thailte an ráschúrsa in Iúil agus sa Choillín i Loch Garman i mí na Nollag. I rith 2009 chomh maith, rinneadh oibreacha athchóirithe ag Ionad Tástála Tiomána Chora Droma Rúisc chun an t-ionad sin a thabhairt chuig caighdeán inghlactha agus fuarthas maoiniú chun móroibreacha athchóirithe a dhéanamh ag Ionad Tástála Tiomána Ros Comáin i rith 2010. I mí Lúnasa 2009, bhog an tIonad Tástála Tiomána i mBéal an Átha óna shuíomh in Oifigí an Rialtais go dtí Ceanncheathrú an RSA ag Cnoc an tSabhaircín.



Saoráil Faisnéise (FOI)

Níl an RSA clúdaithe ag forálacha na nAchtanna um Shaoráil Faisnéise mar go bhfuil reachtaíocht chumasaithe ag teastáil chun na forálacha a shíneadh go dtí an eagraíocht. De réir na Roinne Airgeadais, atá freagrach as na hAchtanna, tá an próiseas ar siúl anois chun na hAchtanna FOI a shíneadh chuig an RSA. Ag feitheamh ar shíneadh dá leithéid, tá cinneadh déanta ag an RSA a ghnó a dhéanamh ar bhealach chomh hoscailte agus chomh trédhearcach agus ar féidir leo agus feidhmítear ar an mbonn céanna agus a fheidhmeodh dá mbeadh Achtanna FOI i bhfeidhm.

I rith 2009, láimhseáil an RSA ocht n-iarratas um Shaoráil Faisnéise faoin gcomhaontú seo.

I Meitheamh 2009, chríochnaigh an RSA a bpróiseas cláraithe le hOifig an Choimisinéara Cosanta Sonraí, dá bhrí sin ag comhlíonadh a n-oibleagáidí faoin reachtaíocht Cosanta Sonraí. I rith 2009, ní bhfuarthas aon iarratas rochtana faoi na hAchtanna um Chosaint Sonraí.

Beartas Béarla Soléite

Léirigh Suirbhé Litearthacht Idirnáisiúnta i measc Daoine Fásta an OECD go bhfuil fadhbanna ag duine as gach ceathrar, (is é sin, timpeall leathmhilliún duine fásta in Éirinn, idir 16-64 bliain d'aois), le tascanna simplí litearthachta.

Mar fhreagra air seo, tá beartas Béarla Soléite curtha i bhfeidhm ag an t-Údarás um Shábháilteacht ar Bhóithre dá mbileoga agus leabhráin faisnéise poiblí um shábháilteacht ar bhóithre.

Téann an RSA i sainchomhairliúchán leis an nGníomhaireacht Náisiúnta Litearthachta do Dhaoine Fásta (NALA) chun slán a dhéanamh de stampa formheasa 'Béarla Soléite' a fháil ar na foilseacháin seo.

Cuireann NALA an lógó ar fáil cáipéis amháin ag an am nuair a fhaomhann sé go bhfuil an teanga agus an leagan amach sách soiléir don léitheoir a bhfuil sé beartaithe dó.

An Roinn Cumarsáide

Thacaigh an Roinn Cumarsáide leis na Stiúrthóireachtaí éagsúla le feidhm preasoifige taobh istigh agus taobh amuigh d'uaireanta oifige i rith 2009. Eisíodh tuairim agus 80 preaseisiúint ó fhógraí maidir le feachtas um shábháilteacht ar bhóithre, foilsiú tuarascálacha / staidéar taighde agus foláirimh um shábháilteacht ar bhóithre. Chomh maith leis sin, d'fhreagair an Roinn na céadta ceist meán ó na meáin náisiúnta agus áitiúla.

Cuireann an Roinn Cumarsáide an tacaíocht chumarsáide seo a leanas ar fáil do Stiúrthóireachtaí an RSA:

- Fógraíocht
- Urraíocht
- Tionscnaimh
- Bainistiú imeachtaí
- Na meáin nua / margaíocht dhigiteach
- Caidreamh leis na meáin
- Caidreamh poiblí



Sláinte agus Sábháilteacht

Aithnítear laistigh den RSA go bhfuil bainistiú riosca sa réimse sláinte agus sábháilteachta mar phríomhghné chun sábháilteacht fostaithe, conraitheoirí, custaiméirí agus bhaill an phobail a bhféadfadh tionchar bheith ag gníomhaíochtaí an údaráis orthu a chinntiú. Cabhróidh bainistiú éifeachtach riosca san RSA le folláine agus le táirgiúlacht gach fostaí a uasmhéadú agus cabhróidh sé chomh maith le gortuithe a chosc. Cuireann bainistiú éifeachtach riosca dearbhú dearfach ar fáil do chlú an RSA i súile custaiméirí, soláthraithe, páirtithe leasmhara eile agus an phobail i gcoitinne. Cuideoidh sé freisin chun caidreamh níos fearr a spreagadh le conraitheoirí agus gníomhaíochtaí conraithe níos éifeachtaí.

Bhí deimhniú na heagraíochta chuig caighdeán OHSAS 18001:2007 mar phríomhspríoc ag an RSA faoi dheireadh 2008. Baineadh amach an spríoc seo i mí na shamhna 2008. Láithreach, ba é an spríoc a leagadh amach do 2009 an deimhniú a chothabháil. Baineadh amach é seo i rith 2009 tar éis iniúchadh a rinne NSAI.

Forbraíonn agus forfheidhmíonn an RSA a mbeartais sláinte agus sábháilteachta trí chreat comhpháirtíochta. Lean an Coiste Sláinte agus Sábháilteachta, a bunaíodh ó ionadaithe foirne agus bainistíochta, ar aghaidh lena obair ar feadh na bliana. I rith 2009, tar éis athbhreithniú agus comhairle a fháil ón HSA, fuair gach tástálai tiománaithe oiliúint mar mhaor dóiteáin. Anuas air sin, ag deireadh 2009, chuir an RSA

tús le tionscadal i gcomhar le Gníomhaireacht Éilimh an Stáit chun athbhreithniú a dhéanamh ar chóras saoil agus sábháilteachta i ngach foirgneamh ina bhfuil an RSA. Chomh maith leis sin, fuair Oifigigh Iompair agus Cigirí Feithicle oiliúint iomlán maidir le Comharthaíocht, le Soilsiú agus le Gardáil lena sábháilteacht a chinntiú agus iad i mbun a ndualgas ar bhóithre na tíre, agus dá bhrí sin ag comhlíonadh oibleagáidí an RSA faoin Acht um Shláinte, Sábháilteacht agus Leas ag an Obair.

Thosaigh an dara céim den Chóras Comhtháite Bainistithe i mí Bealtaine 2008, ag díriú ar dtús ar nósanna imeachta agus próisis um Ghearáin Chustaiméirí, ach ní dhearnadh mórán dul chun cinn de bharr bheith ag díriú ar dheimhniú.

Níl sa deimhniú chuig caighdeán OHSAS 18001 ach cuid amháin de Chóras Comhtháite Bainistithe a bhfuil sé i gceist ag an RSA a chur i bhfeidhm. Is é an aidhm atá leis córas inbhuanaithe a thógáil ar féidir a dheimhniú chuig na caighdeáin ábhartha a aithnítear go hidirnáisiúnta.

Is féidir na réimsí a bhriseadh síos go leathan mar seo a leanas:

- Comhlíonadh Sláinte & Sábháilteachta (OHSAS 18001)
- Dearbhú Cáilíochta (ISO 9001)
- Tionchar ar an gComhshaol (ISO 14001)
- Creidiúnú do na comhlachtaí a fheidhmíonn deimhniú daoine ISO 17024 do Thástáil Tiománaithe

Leanadh le hobair ar gach ceann de na réimsí seo a chur ar aghaidh i rith 2009.



AGUISÍN I

SLIOCHT AS RÁITIS AIRGEADAIS AN RSA

**An tÚdarás um Shábháilteacht ar Bhóithre
Ráitis Airgeadais nár Iniúchadh
Don Bhliain dar Críoch an 31 Nollaig 2009**

Leathanach

Clár Ábhar.....	56
Faisnéis Ghinearálta	57
Ráiteas ar Fhreagrachtaí an Údaráis	58
Ráiteas ar Rialú Inmheánach Airgeadais	59-60
Ráiteas ar Bheartais Cuntasaíochta	61-63
Cuntas Ioncaim agus Caiteachais.....	64
Clár Comhardaithe	65

An tÚdarás um Shábháilteacht ar Bhóithre

FAISNÉIS GHINEARÁLTA

Seoladh an Údaráis	Páirc Ghnó Ghleann na Muaidhe Cnoc an tSabhaircín Bóthar Bhaile Átha Cliath Béal an Átha Contae Mhaigh Eo
Feidhmeannach Sinsearach	An tUasal Noel Brett – Príomhfheidhmeannach An tUasal Peter Dennehy – Stiúrthóir, Seirbhísí Corparáideacha An tUasal Denise Barry – Stiúrthóir, Forfheidhmiú agus Caighdeáin Feithiclí An tUasal Declan Naughton – Stiúrthóir, Tástáil agus Ceadúnú Tiománaithe An tUasal Michael Rowland – Stiúrthóir, Sábháilteacht ar Bóithre, Taighde agus Oideachas Tiománaithe
Baill den Bhord	An tUasal Gay Byrne – Cathaoirleach An tUasal Áine Cornally An tUasal Myra Garrett An tUasal Paul Haran An tUasal Thomas Kelly An tUasal Aaron MacHale An tUasal Ann McGuinness An tUasal Tony McNamara An tUasal John O’Gorman
Baincéirí	Banc na hÉireann Sráid an Phiarsaigh Béal an Átha Contae Mhaigh Eo
Iniúcháirí	An tArd-Reachtair Cuntas agus Ciste Caisleán Bhaile Átha Cliath Baile Átha Cliath 2
Suíomh Gréasáin	www.rsa.ie

An tÚdarás um Shábháilteacht ar Bhóithre

RÁITEAS AR FHREAGRACHTAÍ AN ÚDARÁIS

Ceanglaíonn Alt 29 den Acht fán Údarás um Shábháilteacht ar Bhóithre, 2006 ar an bPríomhfheidhmeannach cuntais a chur le chéile agus iad a chur faoi bhráid an Ard-Reachtair Cuntas agus Ciste lena n-íniúchadh.

Agus na cuntais seo á gcur le chéile, ceanglaítear ar an Údarás na nithe seo a leanas:

- beartais chuí cuntasaíochta a roghnú agus iad a chur i bhfeidhm go seasta.
- breitheanna agus meastacháin a dhéanamh atá réasúnta agus stuama.
- cuntais a chur le chéile ar bhonn gnóthais leantaigh mura bhfuil sé mí-oiriúnach talamh slán a dhéanamh de go leanfaidh an tÚdarás orthu i mbun feidhme.
- aon difríocht ábhair ó chaighdeán bhainteacha cuntasaíochta a nochtadh nó a mhíniú.

Tá an tÚdarás freagrach as leabhair chuí chuntasaíochta a choimeád, ina nochtar, le cruinneas réasúnta, a staid airgeadais ag tráth ar bith agus a chabhraíonn leo a chinntiú go gcloíonn na cuntais le Ceanglais Reachtúla. Sa mhullach air sin, tá an tÚdarás freagrach as a gcuid sócmhainní a chosaint agus as céimeanna réasúnta a chur díobh le calaois, mar aon le mírialtachtaí eile, a chosc agus a aimsiú.

An tÚdarás um Shábháilteacht ar Bhóithre

RÁITEAS AR RIALÚ INMHEÁNACH AIRGEADAIS

Ar son an Údaráis um Shábháilteacht ar Bhóithre, tugaim aird ar fhreagrachtaí an Údaráis a chinntiú go gcothaítear agus go bhfeidhmítear córas éifeachtach um rialú inmheánach airgeadais.

Níl an córas ach in ann a chinntiú go réasúnta, ní go hiomlán, go ndéantar na sócmhainní a chosaint, go ndéantar na hidirbhearta a údarú agus a chur i gcuntas go cuí, agus go gcuirtear cosc ar earráidí agus ar mhírialtachtaí ábhartha nó go n-aimsítear go tráthúil iad. Agus breithniú á dhéanamh ar éifeachtacht na rialuithe inmheánacha airgeadais, beidh aird ag an Údarás agus ag a gCoiste Iniúchta ar riachtanais an Chóid Chleachtais um Rialachas na gComhlachtaí Stáit, i measc nithe eile.

Chuir an tÚdarás roinnt céimeanna díobh chun a chinntiú gur ann do thimpeallacht chuí rialaithe trí thabhairt faoi na nithe seo a leanas:

- freagrachtaí bainistíochta, údarás agus freagracht a shainmhíniú go soiléir;
- nósanna foirmiúla imeachta a chruthú le monatóireacht a dhéanamh ar na gníomhaíochtaí agus ar chosaint sócmhainní;
- nós freagrachta in uile leibhéal na heagraíochta a fhorbairt.

Tá an córas um rialú inmheánach airgeadais bunaithe ar chreatlach thuairiscithe bainistíochta agus nósanna imeachta riaracháin, lena n-áirítear deighilt dualgas mar aon le córas toscaireachta agus freagrachta, lena n-áirítear:

- córas tuairiscithe airgeadais a mbaintear leas coitianta as ar fud na hearnála poiblí;
- creatlach fhoirmiúil bhliantúil bhuiséadaithe agus pleanála gnó;
- athbhreithniú an Bhoird ar chuntais bhainistíochta an Údaráis ar bhonn ráithiúil.

Le linn 2009, tharraing an tÚdarás €32,834,000 ón Roinn Iompair – b'ionann é seo agus méid iomlán an mhaoinithe a soláthraíodh don RSA i Vóta na Roinne sin. Mhéadaigh an RSA a n-ioncam nár tháinig ón Státchiste faoi €1,128,122 de bhreis ar an méid ar leagadh amach dó i mbuiséad. Chomh maith leis sin, bhain siad éifeachtúlachtaí amach i seachadadh seirbhíse agus bhí laghdú ar ghníomhaíochtaí ragoibre sa seirbhís um thástáil tiománaithe. Cuireadh deireadh le conradh tríú páirtí freisin mar gheall ar neamhábaltacht an tsoláthóra seachadadh; bhí laghdú €3,376,478 ar an gcaiteachas i gcoinne an bhuiséid bhunaidh dá thoradh. B'ionann a mbarrachas don bhliain agus €12,874,460. Bhí barrachas €4,200,000 pleanáilte ag an Údarás, a comhaontaíodh leis an Roinn Iompair, leis an tionscadal um Thástáil Ródacmhainneachta na bhFeithiclí Tráchtála a mhaoiniú. B'ionann a mbarrachas carntha ag deireadh na bliana agus €8,952,903 tar éis easnamh tosaigh €3,921,557 a chur san áireamh. B'ionann iarmhéid bainc an Údaráis ag deireadh na bliana agus €12,214,733.

Sular chinn siad an méid iomlán de mhaoiniú Státchiste na bliana a tharraingt, rinne an tÚdarás teagmháil leis an Roinn inar leagadh amach a staid airgeadais agus an maoiniú a bhí de dhíth le haghaidh Chláir Thástáil Ródacmhainneachta na bhFeithiclí Tráchtála. Leithdháileadh €4,200,000 den bharrachas in 2009 mar ranníocaíocht faoi choinne chostas iomlán caipitil an Chláir seo a mheastar a chosnóidh €10,313,000 idir 2010-2012. Rinneadh tarraingt anuas an mhaoinithe de réir na próifíle a comhaontaíodh leis an Roinn.

Níl tarraingt anuas an mhaoinithe nach dteastaíonn le freastal ar na riachtanais reatha de réir na rialacha a leagtar amach i Nósanna Imeachta Airgeadais Phoiblí, agus bunaithe ar an gcomhairle seo ón C&AG, comhoibreoidh an tÚdarás leis an Roinn in 2010 le nósanna imeachta um tharraingt anuas a neartú agus beidh siad ag súil le nósanna imeachta a neartú le luaineacht a láimhseáil maidir le hioncam nach dtagann ón Státchiste.

An tÚdarás um Shábháilteacht ar Bhóithre

RÁITEAS AR RIALÚ INMHEÁNACH AIRGEADAIS

Braitheann monatóireacht agus athbhreithniú ar éifeachtacht an chórais um rialú inmheánach airgeadais de chuid an Údaráis ar obair an iniúchóra inmheánaigh; ar an gCoiste Iniúchta a dhéanann maoirsiú ar obair an iniúchóra inmheánaigh; agus ar na bainisteoirí feidhmiúcháin laistigh den Údarás atá freagrach as forbairt agus as cothabháil na creatlaí rialaithe airgeadais.

Lean an tÚdarás lena gcuid oibre le méid agus le dealraitheacht an bhaoil ó thaobh riosca gnó in 2009 a fháil amach. Cuirfear leis an obair seo le linn 2010 d'fhonn Clár Rioscaí a fhorbairt a bhainfidh an méid seo a leanas amach;

- saghas, méid agus impleacht airgeadais na rioscaí uile atá os comhair an Údaráis a shainaithint
- an dealraitheacht a mheas i ndáil le cibé acu an mbeidh nó nach mbeidh na rioscaí arna sainaithint i gceist
- cumas an Údaráis a mheas i ndáil le rioscaí a bhíonn i gceist a bhainistiú agus a mhaolú

Deimhním gur thug an tÚdarás faoi athbhreithniú ar éifeachtacht na gcóras um rialú inmheánach airgeadais in 2009.

An tÚdarás um Shábháilteacht ar Bhóithre

RÁITEAS AR BHEARTAIS CUNTASAÍOCHTA

Seo a leanas iad na beartais thábhachtacha cuntasaíochta arna nglacadh sna ráitis airgeadais seo:

Bonn na Cuntasaíochta

Cuirtear na ráitis airgeadais le chéile de réir an mhodha fabhraithe cuntasaíochta, seachas mar a léirítear thíos, agus de réir prionsabal cuntasaíochta a nglactar leo go ginearálta faoi choinbhinsiún an chostais stairiúil. Glactar le caighdeán um thuairisciú airgeadais a mholann na comhlachtaí aitheanta cuntasaíochta agus iad ina gcaighdeán infheidhmithe. Cuirfidh an tÚdarás na ráitis airgeadais in éineacht le tuarascáil an Ard-Reachtaire Cuntas agus Ciste faoi bhráid an Aire Iompair de réir Alt 29 den Acht fán Údarás um Shábháilteacht ar Bhóithre, 2006.

Deontas an Stáit

Léiríonn Deontas an Stáit sa Chuntas Ioncaim agus Caiteachais an tsuim arna fáil ón Roinn Iompair sa tréimhse i gceist.

Ioncam Eile

Léiríonn Ioncam Eile ioncam arna ghnóthú ag an Údarás. De réir an Achta fán Údarás um Shábháilteacht ar Bhóithre, 2006 agus an Ordaithe um an Acht fán Údarás um Shábháilteacht ar Bhóithre (Feidhmeanna a Thabhairt) 2006 – Ionstraim Reachtuil 477 de 2006, is iad na príomhghnéithe Táillí ar Thástáil Tiomána, an Táille ar an Tástáil Náisiúnta Gluaisteán, fáltais Tacagraif Dhigitigh agus suimeanna eile a eascraíonn as feachtais agus as cláir an Údaráis.

Aithnítear Táillí ar Thástálacha Tiomána, ar Thástáil Tacagraif Dhigitigh agus ar Thástáil Teagascóra Cheadaithe Tiomána ar bhonn fáltas airgid.

Léirítear an uile ioncam eile faoin modh fabhraithe cuntasaíochta.

Sócmhainní Inláimhsithe

Sonraítear Sócmhainní Inláimhsithe de réir a gcostais stairiúil lúide dímheas carntha. Muirearaítear dímheas ar an gCuntas Ioncaim & Caiteachais ar bhonn dronlíne, ar na rátaí mar atá leagtha amach thíos, chun na sócmhainní a dhíscríobh, coigeartuithe do luach iarmharach, thar a saolréanna eacnamaíocha fóna mar seo a leanas;

Daingneáin agus Feistis	5 bliana
Mótarfheithiclí	5 bliana
Saintrealamh agus Trealamh Teileachumarsáide	3 bliana
Crua-earraí	3 bliana
Bogearraí Feidhmchláir	3 bliana

An tÚdarás um Shábháilteacht ar Bhóithre

RÁITEAS AR BHEARTAIS CUNTASAÍOCHTA

Cuntas Caipitil

Léiríonn an Cuntas Caipitil luach gan amúchadh an ioncaim a caitheadh ar fheidhmeanna caiteachais chaipitil.

Airgeadra Iasachtach

Déantar idirbhearta atá ainmnithe in airgeadraí iasachtacha a shóinseáil go euro i rith na tréimhse de réir an ráta a bhí i gceist lá an idirbhirt agus áirítear iad seo sa Chuntas Ioncaim agus Caiteachais don tréimhse i gceist. Déantar sócmhainní agus dlíteanais airgeadúla atá ainmnithe in airgeadraí iasachtacha a shóinseáil go euro de réir an ráta a bhí i gceist tráth dháta an chlár chomhardaithe agus déantar gnóthachain agus caillteanais a eascraíonn as seo a áireamh sa Chuntas Ioncaim agus Caiteachais don tréimhse i gceist.

Pinsin Ball Foirne a Aistríodh

D'aontaigh an Roinn Iompair, arna dhul i gcomhairle leis an Roinn Airgeadais, go mbeadh cearta rochtana ag baill foirne a aistríodh chuig an Údarás an 1 Eanáir 2007 ar feadh idirthréimhse thrí bliana ó lá dílsithe an Údaráis, ar iomaíochtaí rannacha agus idir-rannacha ar an mbonn céanna amhail roimhe agus go bhféadfadh baill foirne riaracháin a aistríodh cur isteach ar athchóiriú fostaíochta sa státseirbhís. Ar an ábhar sin, ní shíltear go bhfuil sé iomchuí na dlíteanais phinsin lena mbaineann na státseirbhísigh seo a áireamh i ráitis airgeadais an Údaráis. Tá ranníocaíochtaí um pinsin na mball foirne in-aisíoctha leis an Roinn Iompair. Bhí 161 ball foirne i dteideal seo amhail an 31 Nollaig 2009.

Is ann do scéim pinsin eile, Scéim Aoisliúntais an Údaráis um Shábháilteacht ar Bhóithre, atá i bhfeidhm i ndáil leis na baill eile foirne a chaith tráth leis an Údarás trí chórais sheachtracha iomaíochta agus trí mheáin eile. Bhí 142 ball foirne i dteideal seo amhail an 31 Nollaig 2009.

An tÚdarás um Shábháilteacht ar Bhóithre

RÁITEAS AR BHEARTAIS CUNTASAÍOCHTA

Scéim Aoisliúntais an Údaráis um Shábháilteacht ar Bhóithre

Forálann Alt 20 den Acht fán Údarás um Shábháilteacht ar Bhóithre, 2006 bunú Scéim Aoisliúntais ag an Údarás. Tá an scéim á feidhmiú ag an Údarás ar bhonn riaracháin ar feitheamh a ceadaithe ag an Aire Iompair, le toiliú an Aire Airgeadais.

Scéim shainithe sochair is ea an scéim a ndéantar cistiú uirthi go bliantúil ar bhonn íoctar mar a úsáidtear ó airgead a bhfuil fáil ag an scéim air, lena n-áirítear airgead a chuireann an Roinn Iompair ar fáil.

Déantar dliteanais na Scéime Pinsin a thomhas ar bhonn fabhráithe agus leas á bhaint as an modh réamh-mheasta aonaid.

Léiríonn costais phinsin sochair phinsin a ghnóthaigh fostaithe sa tréimhse agus léirítear iomlán na ranníocaíochtaí pinsin atá in-aisíoctha leis an Roinn. Sonraítear suim ar ionann í agus an táille ar phinsean mar ioncam sa mhéid agus go bhfuil sé inghnóthaithe agus seach-churtha ag deontais arna bhfáil sa bhliain d'fhonn íocaíochtaí pinsin a dhíscaoileadh.

Léirítear na gnóthachain nó na caillteanais achtúireacha a eascraíonn as dliteanais na scéime sa Ráiteas ar Ghnóthachain agus ar Chaillteanais Aitheanta agus tá aird ar athrú comhfhreagrach sa tsuim inghnóthaithe ón Roinn Iompair.

Léiríonn dliteanais phinsin luach reatha na n-íocaíochtaí pinsin amach anseo a ghnóthaigh baill foirne go dtí seo. Léiríonn maoiniú iarchurtha pinsin an tsócmhainn chomhfhreagrach atá le gnóthú i dtréimhse amach anseo ón Roinn Iompair.

Stoc

Déantar luacháil ar stoic ábhair cheadúnais de réir an ghlanluacha inréadaithe agus de réir an luacha níos ísle inréadaithe.

An tÚdarás um Shábháilteacht ar Bhóithre

AN CUNTAS IONCAIM AGUS CAITEACHAIS DON BHLIAIN DAR CRÍOCH AN 31 NOLLAIG 2009

	2009 €	2008 €
Deontas Stáit	32,641,000	40,421,757
Aistriú go/(ó) Cuntas Caipitil	1,283,725	(2,378,688)
Glanmhaoiniú larchurtha le haghaidh Pinsean	1,566,000	1,500,000
Ioncam Eile	15,182,731	19,155,387
	50,673,456	58,698,456
Costais Foirne	(19,262,806)	(24,019,459)
Comhairle Theicniúil	(863,240)	(2,045,551)
Costais Riaracháin	(4,660,888)	(4,107,085)
Costais Clár	(9,899,657)	(30,715,261)
Costais Phinsin	(1,539,000)	(1,478,000)
Dímheas	(1,573,405)	(893,288)
	(37,798,996)	(63,258,644)
Barrachas/(Easnamh) don bhliain	12,874,460	(4,560,188)
Iarmhéid amhail an 1 Eanáir	(3,921,557)	638,631
Iarmhéid amhail an 31 Nollaig	8,952,903	(3,921,557)

An tÚdarás um Shábháilteacht ar Bhóithre

CLÁR COMHARDAITHE AMHAIL AN 31 NOLLAIG 2009

	2009 €	2008 €
Sócmhainní Seasta		
Sócmhainní Inláimhsithe	2,536,424	3,820,149
Sócmhainní Reatha		
Airgead sa bhanc agus ar láimh	12,214,733	242,130
Féichiúnaithe agus ioncam fabhráithe	459,896	982,802
Stoc	111,325	272,516
Réamhíocaíochtaí	216,022	207,154
	13,001,976	1,704,602
CREIDIÚNAITHE (SUIMEANNA DLITE LAISTIGH DE BHLIAIN AMHÁIN)		
Creidiúnaithe agus Fabhrúithe	(4,049,073)	(5,626,159)
	(4,049,073)	(5,626,159)
Glansócmhainní Reatha/(Dlíteanais)	8,952,903	(3,921,557)
CREIDIÚNAITHE (SUIMEANNA DLITE I NDIAIDH NÍOS MÓ NÁ BLIAIN AMHÁIN)		
Maoiniú larchurtha Pinsin	(18,057,000)	(14,703,000)
Dlíteanais Phinsin	18,057,000	14,703,000
Glansócmhainní/(Dlíteanais) Iomlána	11,489,327	(101,408)
Léirithe sa		
Chuntas Caipitil	2,536,424	3,820,149
Cuntas Ioncaim agus Caiteachais	8,952,903	(3,921,557)
	11,489,327	(101,408)

An tÚdarás um Shábháilteacht ar Bhóithre Oibriú lena Chéile le Saolta a Shábháil

Ba mhian leis an RSA a mbuíochas a chur in iúl do na heagraíochtaí a leanas as a gcuid tacaíochta in 2009:

Advance Pitstop	Local Authorities
An Garda Síochána	MEAS
An Post	Met Éireann
Automobile Association	Medical Bureau of Road Safety (MBRS)
Britax	Muintir na Tire
Bus Éireann	Mid West Radio
Commission for Taxi Regulation	National Community for a National Rehabilitation Hospital
Coach Tourism and Transport Council	National Standards Authority of Ireland (NSAI)
Cork University Hospital	National Roads Authority
County Childcare Committees	Office for the Minister for Children
Department of Education & Science (TY Programme)	Ordnance Survey Ireland
Department of the Environment, Heritage & Local Government	PARC
Department of Transport	Pharmaceutical Society of Ireland
Derrywash National School	Responsible Young Drivers (YTD)
Department of the Environment Northern Ireland	Reynolds Logistics Ltd
Dublin Bus	Road Safety Together
Dublin Transportation Office	Working Groups
European Transport	Westward Scania
Safety Council	Society for the Irish Motor
Fleet Magazine	Industry (SIMI)
Health & Safety Authority	Third Level Colleges
Health Service Executive	Tony Kealy's Baby Store
Hibernian Aviva	Topaz
Highland Radio	Trinity College
Irish Banking Federation (IBF)	TSB Agri Finance
Irish Farmers Association (IFA)	Union of Students Ireland
Irish Farmers Journal (IFJ)	University College Cork (UCC)
Irish Road Haulage Association (IRHA)	Volvo

Oibriú lena Chéile le Saolta a Shábháil

An tÚdarás Um Shábháilteacht Ar Bhóithre Road Safety Authority

Páirc Ghnó Ghleann na Muaidhe, Cnoc an tSabhaircín, Bóthar Bhaile Átha Cliath, Béal an Átha, Co. Mhaigh Eo
Moy Valley Business Park, Primrose Hill, Dublin Road, Ballina, Co. Mayo
íosghlao: 1890 50 60 80 facs: (096) 25252 r-phost: info@rsa.ie suíomh gréasáin: www.rsa.ie